

# تورکیا بو یوک ملت مجلسی

## پیچیدگی

یوز آلتش اوچنجی اجتماع

مندرجات

اوراق وارده:

اوقراینا مرکز اجرا قومیتہ سی ریاستندن مورود تلغراف .  
۳۳۷ سنہ سی موازنہ عمومیہ قانونک مذاکرہ سی .  
۱۳۳۸ سنہ سنہ عائد بعض ویرکولرک برتقسیمده تصویب حقندہ کی قانونک مذاکرہ وقبولی .

برنجی جلسہ

رئیس — برنجی رئیس وکیلی موسی کاظم افندی حضرتلری

کاتب — فیاض عالی بک ( یوزغاد )

۲۱ شباط ۳۳۸ - صالی - ساعت ۲.۱۰ صوکرہ

— اقدم قانون موازنہ مالیہ انجمنستدہ در . اورایہ  
کوندردہ . تسریع ایتسونلر .  
— اوقراینا مرکز اجرا قومیتہ سنندن مورود  
تلغرافنامہ وار . اوقویہ جغز :

آقرودہ مصطفی کمال پاشا حضرتلریہ

اوقراینا سوویت حکومتی مرخص فوق العادہ سی  
جنرال فروزمنک آقرودہ بولونڈی انشادہ یاہش اولدیغی  
اشلاقامہ ایله کندیسنه قارشی کوستریلان مہمانوزلغہ  
کسب اطلاع ایدلشدر . بزاقراینا مرکز اجرا قومیتہ سی  
بو خصوصده کی ممنونیت عمیقہ مزک تحت ریاستکوندہ بولنان  
تورکیا بو یوک ملت مجلسنه ابلاغیلہ بون اوقراینا اہالیسنک

رئیس — جلسہ فی کشار ایدیورم . ضبط سابق خلاصہ  
سی اوقونہ جق ( ضبط سابق خلاصہ سی اوقوندی ) ضبط  
سابق حقندہ سوز ایستین وارمی ؟ ضبط سابق عیناً  
قبول ایدلشدر .

محمود اوغلی سلیمان حقندہ اوراق حکمیہ واردر .  
عدلیہ انجمنہ ویریورز .

زینت اشیماسی قانونک تفسیرینہ دائرہ هیئت وکیلہ نک  
تذکرہ سی وار . عدلیہ واقتصاد انجمنلریہ کوندیریورز .  
تبدیلہوا آلان ضابطانک خر جراحی حقندہ کی قانون  
نک تسریع مذاکرہ سنہ دائر مدافعہ ملیہ وکالتی تذکرہ سی  
واردر .

وحکومتک اشبو اشلافامیه صداقت تامه ایله مربوط اوله جغنی وبتون مشکلاته رغماً کیرشمش اولدیغکز دعوی ملیکزده موفقیت تامه ایله توجکیزک تینسیله احترامات فاقه مزک قبولی .

رئیس

راقوسکی

صالح افندی (ارضروم) — بونک بردفمهدها او قونسی رجا ایدیورم . ای آکلایامادم .

سلیمان سری بک (بوزغاد) — آکلایان آکلادی . صالح افندی (ارضروم) — بر «تحت حمایه» مسئله سی وار .

فیاض عالی بک (کاتب) — خایر افندم « تحت ریاست لرنده... دینیور

رئیس — ۳۳۷ سنه سی موازنه عمومی قانون لایحه سی و آوالس قانونی وار . او اوقونه جق .

۳۳۷ موازنه عمومی قانونی لایحه سی

ماده ۱ — موازنه عمومی دواته داخل واردات و مصارف یگونی ۱۳۲۷ سنه مالیه سی ایچون سنه مذکوره یه متعلق حساب قطعی لایحه سنک ختام تدقیقنده تثبیت ایدیه جکدر .

ماده ۲ — ۳۳۶ سنه سی موازنه عمومی قانونسک اوچنجی ، دردنجی ، بشنجی ، آلتنجی ، یدنجی ، سکزنجی ، طقوزنجی ماده لری ۳۳۷ سنه سنده دخی کاکان مرعی الاجرادر .

ماده ۳ — موازنه مالیه انجمنی طرفسندن مصرف بودجه لرینک اتای تدقیقنده تثبیت ایدیلوب ۱۸ حزیران ۳۳۷ تاریخی هیئت عمومی قزاری موجبجه تموز ۳۳۷ دن اعتباراً موقع تطبیقه وضع ایدیلن اساسات داخلنده صرفیات اجرا ایدیلک و مدافعه ملیه دن ماعدا خدمات عمومی دولت ایچون قارشولق اوله رق ، توارخ مختلفه ده اعطا اولسان یکریمی میلیون لیرا آوالسه شباط غایه سنه قدر صرف اولمق اوزره ، بش میلیون لیرا ده علاوه ایدلشدر .

ماده ۴ — مدافعه ملیه وکالتی ایچون ۲ نیشان ۳۳۷ تاریخی قانونه قبول ایدیلن ۴۴،۱۶۰،۰۰۸ لیرایه منحصر اشباط

غایه سنه قدر تحقق ایده جک خدمات عسکریه مصارفه قارشولق اولمق اوزره ۱۰،۰۰۰،۰۰۰ لیرا علاوه ایدلشدر .

ماده ۵ — ۳۳۵ سنه مالیه سی ختامه قدر کذران اولان مدته عائد رسوم و تکالیفدن و کرک عقوددن متولد اوله رق ، خزیننه ک اشخاص عادیه و حکمیہ ذمتنده تحقق ایتش اولان بالعموم مطلوباتی تکالیف حربیه و وسائط نقلیه بریه و بحریه بدلاتی واعاشه مطلوباتی دخی داخل اولدیفی خالده ، ۱۳۳۷ سنه مالیه سی غایه سنه قدر مراجعت ایدن عین اشخاص و افرادک شخصلریله اقر بارینه عائد اولوب دیون غیر منظمه یه داخل بولنیان کافه دیون خزیننه ایله تقاص و محسوب اولنه جقدر . عین قریه اهالیسندن اولانلرک قرابتلرینه باقلمق سزین علی الاطلاق فقط ؛ بالرضای عین قریه اهالیسندن اولانلرک خزیننه یه اولان دیونسک محسوبی جاژدر .

ماده ۶ — کرک بالاده کی ماده موجبجه دیون خزیننه ایله محسوبی لازم کلن ، کرکسه حرب قزاجلری قانونسک مواد مخصوصه سنه توفیقاً ویرکودن اولان بورجلرینه مقابیل اجرای محسوبی اقتضا ایدن تکالیف حربیه و وسائط نقلیه بدلاتندن ۱۳۳۷ سنه مالیه سی نهایته قدر پاییلان محسوبات مقداری مدافعه ملیه نک سنه مذکوره بودجه سنه برقم اوله رق ، ضم و علاوه اولنه جقدر .

ماده ۷ — ۱۳۳۷ سنه مالیه سی طرفسندجه جهت عسکریه جه اشغال ایدیه جک املاک امیریه بدل ایجارلریله قطعات عسکریه طرفلرندن مالیه عائد و یامدور اشیا و عیناتدن آلتنه جق اولان بالعموم موادک قیمت رایج لری مدافعه ملیه نک ۱۳۳۷ تخصیصاتندن تسویه اولنه جقدر .

ماده ۸ — کرک ملحق بودجه لر ایله اداره اولتان بالجمعه دواتر و شعبات دولندن و اداره خصوصیه و بلدییه وزنه لرندن دائمی بروظیفه مقابیل اوله رق ، شهری معاش و یا تخصیصات و یا خود اجرت آلتانلرک بوسنیه عائد تام برآیلق معاش و یا تخصیصات و یا خود اجرتلری توفیق ایله موازنه عمومی یه ایراد قید اولنه جقدر . بونده سفر بک ضعی و مقام معاشات و تخصیصاتی دخی داخل اولوب یالکزر

حسن فهمی بك (كوشخانه) — رئیس افندی!  
مذاکره می آید جکیز؟  
رئیس — اوت افندم .

حسن فهمی بك (كوشخانه) — افندم! مجلس  
عالیکزك اولجه سنهك ختامه منی ۳۳۷ بودجه سنك فصول  
وموادى اوزرنده مذاکره امكانى زلتی تأمل بویوره رق  
شمدی یه قدر ویریلن آوانسلردن صر کره تحقق اتمش  
دها نه مقدار تخصیصات لازمه بونك رخصیصانه قیاسی  
یولنده قبول بیوردیفکیز برتقر ك نتایجی اولسه کرک،  
بومضبطه نك بنده کزجه برنجی ماده منی زاندر. آشاغیده  
اوجنجی ماده ایله شمدی یه قدر ویریلن آوانسلره علاوه  
شو مقدار دها تخصیصات اعطاسی مادام که موازنه مالیه  
انجمنی تثبیت اتمشدر . اوجنجی ماده برنجی ماده اوله رق  
قبول ایدلمش اولور. و ذاتاً بوشکلده آوانس اوله رق قبول  
ایتمکه ۳۳۷ سنه منی بودجه منی بودجه وموازنه عمومیه  
قانونی شکلنده تصدیق ایتمدیکمزى صراحة کوسر مش  
اولوروز .

توفیق رشدی بك (منشا) — صراحت یوق .  
حسن فهمی بك (كوشخانه) — مساعده بیورکیز!  
بز آوانس ویرییوزوز، بودجه منی تصدیق ایتموروز .  
قانونزده حساب قطعی واردات و صرفیاتك ذات و زمان  
حسابلری کورولدکن صو کره ایکی سنه صکره می اولور، بش سنه  
صو کره می اولور، او وقت حساب قطعی آلیز و تخصیصاتدن  
بر آچیق قالمش ایسه تخصیصات متممه نامیه اول وقت  
محسوبی اجرا ایدیلیر . و یاخود مجلس عالی تخصیصات  
خارجنده قالان صرفیاتك تخصیصات متممه اوله رق  
قارشولغی ویرمزسه بالطبع صرف ایدنلرك مسئولیتی  
تحقق اتمش اولور . بواعتبارله بنده کزجه برنجی ماده  
تماماً زاندر . اوجنجی ماده برنجی ماده اوله رق باشلاره .  
ایکنجی ماده ینه ایکنجی ماده اوله رق ایفا ایدیلیر . بو ماده لر  
اوزرنده ینه مذاکره ایدرز . احتمال که قبول ایدیله جک،  
قبول ایدیله جک احکامی وارد . مادام که حساب قطعی بی  
بوسنه آفاق امکانی یوقدر . برنجی ماده بنده کزجه  
زاندر . ویرمننا افاده، بر مقصوده تأمین اتمز، دوغریدن

جهه ضملری و علی العموم دوائر منسوب سواریلرك  
بم بدللری مستنادر .

ماده ۹ — خدمات وطنیه ترتیبندن ایوم معاش آلمقده  
بولان ذوات اشبو قانونه مربوط [و] اشارتلی جدولده اساسی  
محرر اولانلردن عبارتدر . یکیدن معاش تخصیصی مطلقاً بویوک  
ملت مجلسنجه قبول اولغش بر قانونه مستند اولق لازمدر .  
ماده ۱۰ — بورکیا بویوک ملت مجلسی حکومتك  
اداره منی خارجنده معاش آلمقده بولان بالعموم متقاعدین  
ومعزولین معاشاتی قطع اولغشدر . ملکیه تقاعدومعزولین  
قانونلریله عسکری و علمیه تقاعد قانونلرنیک اشبو ماده یه  
مخالف اولان موادی ملغادر .

ماده ۱۱ — مواسات معاشاتی ملغادر .  
ماده ۱۲ — ۱۳۳۶ موازنه عمومی مرتبات سنویه سنك  
تأجیل و بودجه دن تنزیل بقنده کی ماده مخصوصه احکامی  
۱۳۳۷ سنه منی ایچونده جاریدر .

ماده ۱۳ — سیغاره کاغدی، کبریتدن آلتان رسوم  
استهلاکیه کبروک رسمیه برابر استیفا اولته جقدر . طبقه  
حائده کان سیغاره کاغدلرنیک بکرمی بش ده سیمتره مربعی  
بردفتر اعتبار اولته ورق رسم آکا کوره استیفا اولنور . داخلده  
اعمال ایدیله جک سیغاره کاغدی و کبریتدن استهلاک رسمی  
استیفا ایدلمک اوزره اعمالا تخانه لره مالیه دن تعیین اولنه جق  
بر مأمور واسطه سیاه قوتنرول و رسمی استیفا اولنور .

ماده ۱۴ — ۳۳۶ سنه منی خارجیه بودجه سنك  
( ۳۱۱ ) صلح مذاکره سنه مأمور هیئت مصارفی فصلنده محرر  
تخصیصاتدن صرف اولنیمان مقدار ۳۳۷ سنه منی بودجه سنه  
دور اولوغشدر .

ماده ۱۵ — ۱۳۲۵ — ۱۳۳۶ موازنه عمومی قانونلرنیک  
اشبو قانون وقوانین مخصوصه ایله فسخ و تعدیل ایدیلان  
احکامی کماکان باقیدر .

ماده ۱۶ — اشبو قانونك اجرا سنه اجرا وکیللری مأموردر  
کاتب مضبطه محرری موازنه مالیه انجمنی رسمی  
ارطغرل منشا داروخان  
مصطفی کمال توفیق رشدی خسته  
اعضا اعضا اعضا اعضا  
آطالیه مرسین سیوه رك بایزد قونیه  
علی وفا صلاح الدین سری عاطف کاظم حسنی

دوغری به خدمات عمومیہ ایچون خزینہ تک تحقق ایدن  
 ہونی تہایسہ یعنی نہ مقدار دہا آوانس ویرملک لازمہ  
 برنجی مادہ اولق اوزرہ اونی تثیت ایتمہز ایجاب ایدر.  
 و سوا کرہ موازنہ مالیہ انجمن تک نظر دقتہ شونی دہ عرض  
 ایدیم کہ وارداتک جابینی تأمین ایدن قانونک ۳۷ سنہ سی  
 نہایتہ قدر مرعیتی تأمین ایتمک ایچون قانونہ بر مادہ تک  
 علاوہ سی دہ لازمدر .

توفیق رشیدی بک (منتشا) — وار .

حسن فہمی بک (گوشخانہ) — مادام کہ بو آوانسدر  
 و ویرلن بر مادہ تک بر آوانس قانونیلہ اکتفا ایتمدیلمہ  
 بونلرک صورت صرفی ، احکام و شمولی تأمین ایدہ جک  
 بر طاقم موادہہ یازدیلمہ . بو اعتبارلہ وارداتی دہ  
 اجمالاً اولسون تثیت ایتمک لازمدر . بندہ کنز برنجی  
 مادہ سی زائد کوریورم ، طبعی تکلیف ایدیورم . اوچنجی  
 مادہ سی برنجی اولہرق باجلاملی یز .

توفیق رشیدی بک (مضبطہ محوری) — آرقداشلر !

انجمن ۳۲۷ موازنہ عمومیہ لایحہ سی یازارکن ہیئت  
 جلیلہ لردن محولہ ایکی تقریری نظر اعتبارہ آلدی .  
 بردہ حقیقت و وضعیت مسئلہ نی نظر اعتبارہ الموق مجبوریتندہ  
 بولندی . ہیچ شہہ یوق کہ : ۳۳۷ سنہ سندہ ویرکولرک  
 جلیتہ دوام اولمشدر ، و امور مالیہ تک تدویری ایچون  
 معتاد اولان بر طاقم صلاحیتلر وارددر . بونی ۳۳۷ سنہ سی  
 ایچون دخی تشمیل ایتمک مجبوریتی وار . صرف او  
 اعتبارلہ درکہ : بورادہ بر چوق مادہ لر کورولبور . بالنگز  
 بورادہ برنجی مادہ صرف ۳۳۷ سنہ سی ایچون بر خصوصیت  
 تشکیل ایدیور . برنجی مادہ او خصوصیت تشکیل  
 ایدیور کہ : بوکی لویح قانونیہ دہ معتاد اولان واردات  
 و مصارفاتک یکوتی تثیت ایتمکدن معلومکر اولان اسبابدن  
 دولانی طاجرز . شمہدی مجھول اوزرینہ اونی مسکوت  
 کچیرہ رک بو بودجہ نی تصدیق ایتمش و اکتساب قانونیت  
 ایلمش ماہیتدہ کوریوروز . حساباتک تحقق زمانندہ  
 ولو تطبیق کچمش اولسہ دخی حق مراقبہ و تفتیشی مجلسک  
 محافظہ ایتمدیکنی تثیت ایتمک ایستہ یوروز . یعنی ۱۳۳۸  
 سنہ سی بر آوانس سنہ سی اولہرق کچبور . ۳۳۸ سنہ سی

بودجہ سی انتظامہ دوغری آدیم آتمش اولہرق حضور یکنزہ  
 کایور . شمہدی بودجہ موازنہ قانونندہ بونک بر آوانس  
 سنہ سی اولدیغنی کویستہ جک بر فقرہ ایلمہ تصریح مادہ سی  
 مجبوریت وارددر . اون اوچنجی مادہ سی کلنجہ : مادہ تک  
 متندہ کویستہ لیککی و جہلہ سیغارہ کاغذلری و کبریتدن آنان  
 استہلاک رسمنک کمروک رسمیلہ برابر استیفاسی ذکر  
 ایدلمکدہر . بو ایشلہ اوغراشانلری دیکلہ مش اولان  
 آرقداشلر بیز بک آئی بیلیرلر کہ : باندرول الصاقندہ بک  
 چوق مشکلاتہ اوغرایان خلقتزہ حکومت ہیچ  
 اولمزسہ آلمدینی پارہ مقابلی اولسون سہولت کویستہ تک  
 ایستہ مشدر . و ایستہ ، اوسبیلہ درکہ : او مادہ نی دہ قانونہ  
 علاوہ ایتمشدر . خلاصہ ۱۳۳۷ سنہ سی موازنہ عمومیہ  
 قانونی لایحہ سی حضور یکنزہ بودجہ قانونلرندہ معتاد  
 اولان اساساتلہ دکل ، بالنگز ۳۳۷ سنہ سنک بر آوانس  
 سنہ سی اولسنی تثیت ایتمک شرطیلہ کلشدر . وطن اید  
 بیورم کہ : ہیئت جلیلہ تک متقدم مذاکرات و ملاحظاتندہ  
 توافق ایدیور .

حسن فہمی بک (گوشخانہ) — رئیس بک افندی !

مادہ لرہ کچلم . ہیئت عمومیہ سی حقندہ سوزسویلہ یجک  
 یوقدر . مذاکرہ مادہ لرہ عائددر . ہیئت عمومیہ سی ذاتاً  
 مذاکرہ ایدلمشدر .

رئیس — اقدام ! مادہ لرہ کچلمسی قبول ایدنلر

لطفاً ال قالدیرسون ! مادہ لرہ کچلمسی قبول ایدلمشدر .  
 مادہ ۱ — موازنہ عمومیہ دولتہ داخل واردات  
 و مصارف یکونی ۱۳۳۷ سنہ مالیہ سی ایچون سنہ مذکورہ سی  
 متعلق حساب قطعی لایحہ سنک ختام تدقیقندہ تثیت  
 ایدیلہ جکدر .

رئیس — اقدام ! برنجی مادہ حقندہ سوز ایستہ یز

وارمی ؟

حسن فہمی بک (گوشخانہ) — بندہ کنزجہ برنجی

مادہ زائددر . چونکہ : اصول محاسبہ قانونی ذاتاً دائمی  
 بر قانوندر . آوانس ایلمہ بودجہ تک فرقلری تماماً تقریق  
 ایتمشدر . فقط موازنہ مالیہ انجمنی بونی بر تأکید اولق  
 اوزرہ یازمش . یعنی موجود اولان بر قانونی تأکیددن

عبارت در. قالسده برأس بوق ایسه ده مقصد عاجزانه بونک  
زائد اولدینی سولیکدر . ذاتاً اصول محاسبه قانونی بو  
احکامی تثبیت ایتشد .

صلاح الدین بك (مرسین) — اقدام! بنده كزك  
دعیتمبری بك افندیك افاده لرینه جواب ویرمك ایستهشم  
بو نقطه دن ایدی . فی الحقیقه؛ برنجی ماده اصول قانونیدن  
عبارتدر . فقط؛ بز ۳۳۷ سنه سی بودجه سی قبول ایتدیكیزی  
و بونک آنحق حساب قطعیه تثبیت اولنه جق بر شی  
اولدینی وبالخاصه بونكه ارئه ایچون بو قید قانونی  
بوراده لزومی کور مشزدر و بناء علیه؛ بو ماده بو مقصدله  
بورایه یازلمشدر .

رئیس — افندم! برنجی ماده حقنده حسن فهمی  
بك افندی نقطه نظری سولیکله برابر انجمنك نقطه  
نظری ده آکلادق . بناء علیه؛ برنجی ماده بی رایه وضع  
ایدیورم . برنجی ماده بی قبول ایدنلر لطفاً ال قالدیرسون!  
( قبول ایدلمشدر )

ماده ۲ — ۳۳۶ سنه سی موازنه عمومی قانونك  
اوجنجه ، دردنجی ، بشنجه ، آلتنجی ، یدنجی ، سکزنجی  
طقوزنجی ماده لر ی ۳۳۷ سنه سننده دخی کما كان  
مرعی الاجرادر .

رئیس — سوز ایسته ن واری ؟  
حسن فهمی بك (كوشخانه) — افندم ایکنجی  
ماده ۳۳۶ سنه سی موازنه عمومی قانونك ۳ - ۴ - ۵  
۶ - ۷ - ۸ - ۹ نجی ماده لرینك مرعیتی تأمین ایدیور .  
و طبیعی بو خاطر مزده دكل . آرهدن بر سنه كچدی  
و قانونده المزده دكلدر . لطفاً بو خصوصده  
موازنه مالیه انجمنی بزه ایضاحات ویرسون .

توفیق رشدی بك (منتشا) — بو ماده لك اساساتی  
مطبوع ۳۳۷ بودجه سی میاننده کی فقراتدن باحثدر . اوراده  
ماده لر یازیلیدر . یعنی قانونلره تعیین ایدیلن ویركولرك  
جباتی صلاحیتی اولاد شهاده هاند اولان باندروللك  
الصاقی و معاملات مقننه مالیه نك متخذ اصول دائرسنده  
جریاتی تأمین ایچون صلاحیت قانونیه اعطاسندن  
عبارتدر . و عیناده دیگر لوائح قانونیه ده موجوددر .

مقصد ، تکرار ایش اولمه مقدر .

عبدالله عزمی افندی (اسکیشهر) — اقدام اون  
بشنجی ماده نك ده بوکا علاوه سی اقتضا ایدر . ۱۵ نجی  
ماده ده موازنه عمومی قانونك دیگر ماده لرینك احکامك  
باقی اولدینی ذکر اولیور . بونی آیری ذکر ایتمكده  
بر معنا مقصود دكلسه ایکی سی برلشدیرمك ایجاب ایدر .  
بناء علیه فلان ، فلان ماده لر مرعی الاجرا اوله جی کی  
اون بشنجی ماده ده ذکر اولنان فلان ، فلان ماده لر كده  
کما كان احتکامی باقیدر ، دیمك لازمدر . آیری ، آیری  
ماده لرده ذکر ایتك مطلقاً باشقه باشقه معنی قصد ایتمك  
توقف ایدر .

توفیق رشدی بك (منتشا) — اون بشنجی ماده ده بی  
۱۳۲۵ - ۱۳۳۶ سنه سی بودجه لرده برطاقم مواد عمومی  
واردر که . ۳۲۶ سنه سی لایحه سننده موجود دكلدر . بوراده  
بز اونی تصریح ایدیورز . اون بشنجی ماده نك ۲ نجی  
ماده یه فقره ثانیه اوله رق ، بذیلینی قبول ایدر ز .

رئیس — افندم! بشقه سوز ایسته ن واری ؟  
افندم ، عبدالله عزمی افندی حضر تتری اون  
بشنجی ماده ایله بو ماده بر اولسون ، دیور و بناء  
علیه ؛ نك ماده نك توحیدینی تکلیف ایدیور . مضطه  
محرری ده قبول ایدیور . تسبب ایدر سه کز ایکنجی  
ماده یه اون بشنجی ماده بی فقره ثانیه اوله رق علاوه  
ایدلم . بو تکلیفی قبول بویرانلر لطفاً ال قالدیرسون!  
( قبول ایدلمشدر )

— افندم! ماده بی بعد العلاوه او قویورز:  
ماده ۲ — ۳۳۶ سنه سی موازنه عمومی قانونك  
۹۰۸۰۷۰۶۰۵۰۴۰۳ نجی ماده لر ی ۳۳۷ سنه سننده دخی  
کما كان مرعی الاجرادر . ۱۳۳۵ - ۱۳۳۶ موازنه عمومی  
قانونلرینك اشبو قانون و قوانین مخصوصه ایله فسخ و تعدیل  
ایدلمن احکامی کما كان باقیدر .

— افندم! ایکنجی ماده بی تصحیح وجهله قبول  
بویرانلر لطفاً ال قالدیرسون! قبول ایدلمشدر افندم .  
شکری بك (بولی) — بوراده بر تکرار واردر .  
طقوزنجی ماده بوراده عیناً تکرار ایدیور . او ماده معاملاتك

صورت صرفتی کو سٹیوریورک: فضلہ در . دردنجی مادہ  
طقوزنجی مادہ بی ذکر ایتک فضلہ در .

رئیس — او مادہ کنگجہ سویلر سکز، افندم!  
رئیس — افندم! او چنجی مادہ او قونیور:

مادہ ۳ — موازنہ مالیه انجمنلری طرفندن مصرف  
بودجه لرینک انسانی تدقیقندہ تثبت ایدیلوب ۱۸ حزیران ۳۷  
تاریخی هیئت عمومیہ قراری موجبہ تمہز ۳۳۷ دن  
اعتباراً موقع تطبیقہ وضع ایدیبلان اساسات داخلندہ  
صرفیات اجرا ایدلک ومدافعہ ملیہ دن ماعدا خدمات  
عمومیہ دولت ایچون قارشولق اوله رق، تواریخ مختلفہ  
اعطا اولنان یکرمی میلیون لیرا آوانسہ شباط غایہ سنہ  
قدر صرف اولتوق اوزرہ، بش میلیون لیرا دها علاوہ  
ایدلشدر .

صلاح الدین بک ( مرسین ) — بندہ کز بورایہ بر  
فقرہ نك علاوہ سنی لزوملی کہ ریورم . او نی بالخاصہ  
هیئت علیہ نك نظر دقتنہ وضع ایدہ حکم . ۱۸ حزیران ۳۳۷  
تاریخی هیئت عمومیہ قراری موازنہ مالیه انجمنک یامش  
اولدینی قادر ولردہ — کہ: قادر ولردہ تنقیحات ایدی — تنقیحات  
قبولنہ، فقط؛ معاشاتک تزیایداتمش اقسامنک هیئت عمومیہ  
قراری اولدنجہ ویرلہ مسنہ دائردی . بناء علیہ؛ بورادہ  
( موقع تطبیقہ وضع ایدیبلان اساسات دائرہ سنہ )  
فقرہ سندن سوکرا ( ۳۳۶ سنہ سنی معاشاتی تجاوز ایتہ مک  
شرطیلہ ) عبارہ سنک علاوہ سنی تکلیف ایدیورم . بو صورتلہ  
ذاتاً، ویرلہ یین برچوق پارہ لک بہودہ برہ برحق مکتسب  
حالندہ ویرلہ سنہ مانع اولمش اولہ جغز . کرچہ مالیه وکیلی  
انجمندہ ، بویلہ بر قرار بنم المہ کلدی ، دیور . فقط ؛  
هیئت عمومیہ مذاکراتندہ ہمیزک ذہنتدہ منطبع اولان  
بودر وضبطلرہدہ مراجعت ایدہ بیلیرز . هیئت جلیلہ کز  
انجمنک یالکز تصرفات نامیلہ یامش اولدینی شیلری قبول  
ایتشدی . فقط ؛ تزیید مصرف یولندہ وبالخاصہ معاشات  
فصلندہ پایلہ جق تزییدی کندی قناعتنہ، کندی مذاکرہ سنہ  
تعلیق ایتشدی . بناء علیہ ؛ بندہ کز یوقاریدہ عرض  
ایتدیکم فقرہ نك علاوہ سنی تکلیف ایدرم . مضبطہ محرری  
بک افندی ، ایضاحات ویرسون!

توفیق رشدی بک ( منتشا ) — مساعده بو یوروسہ کز  
ایضاح ایدیم ، صلاح الدین بکک موضوع بحث ایتدیکی  
مسئلہ انجمندہ کوروشولدی . وفی الحقیقہ ؛ مجلس اوزمان  
بویلہ بر قرار اتخا ایتمشہ — کہ : اتخا ایتمش اولمشی  
لازمدر ، صلاح الدین بکک افادہ سنہ کورہ بک موافقدر —  
آنجیق ، انجمن ، مجلسک اوزمان احداث ایتمش اولدینی قرارک  
مالیه وکالتنہ تبلیغ ایدیبلان صورتی ایتدی . کتیردیلر ،  
کوردک . ایسترسہ کز ، مع الاسف دیدیم ، بوجہت دوچار  
اهمال اولمشدر . مجلسجہ انجمن طرفندن قبول ایدیبلن  
قادرولر احکامنک در حال اجرا وتطبیق طلب ایدلشدی ،  
— ( انجمنجہ می ، مجلسجہ می صدالری ) مجلسدن افندم —  
مالیه وکالتنہ تبلیغ ایدیبلان اوزمانہ متدائر قرارده اوتبلیغ  
صورتی کوردکن سوکرہ بالطبع انجمن بویلہ بر قیدی  
قویقدن احتراز ایتدی . ومسئلہ نك مناقشہ سنی هیئت  
جلیلہ کزہ بر اقدی .

محمد بک ( بیغا ) — بر سؤال صورمق ایسترم .  
تموز ۳۳۷ دن اعتباراً دینیلیور . بوتوزک هانکی کونندن  
اعتبار آدر .

توفیق رشدی بک — مبدأندن ...  
محمد بک — شو حالده تصریحی ایجاب ایدر .  
توفیق رشدی بک — او قرارک تاریخندہ ، مرعی الاجرا  
اولان احکامنک زمان مرعیتہ دائر صراحت واردر .  
بورادہ آنجیق اشارت ایدوب کچوروز .  
حاجی مصطفی افندی ( آقرہ ) — رشدی بک! مساعده  
بو یورک . شباط غایہ سنہ قدر صرف اولتوق اوزرہ بش  
میلیون لیرا دها علاوہ اولمشدر . کچن کون سزک انجمن  
رئیس بورادہ ، بوکاحاجت اولمادینی ، حوالہ لک ویرلدیکی  
سویلدی ایدی . سوکرا بونی علاوہ سنی سبب نہ اولدی ؟  
بونک حکمتی نہدر ؟

توفیق رشدی بک — عرض ایدیم افندم ! کچن  
کون انجمن رئیسنک موضوع بحث ایتدیکی مسئلہ  
ایلہ بونک آراسندہ — مساعده بو یوروسہ کز — مناسب  
اولمادینی عرض ایدیم . بو صرف دوائر ملکیتک  
معاشات و مصارفہ عائد ، وقتیلہ مجلس طرفندن قبول

وزی تنور ایتمه مشدر . بوقسه انجمن اعضا ی اوراد  
 بر رمزی تنقید ایتمه یو بدم بوراد اید جک اولور سه ق  
 انجمن دن هیئت جلیله نك بکله دیجی مقصد غائب اولور .  
 شمندی او یله ظن ای دی یورم که : رئیسک ایضاحات شفاهی  
 سنده حاضر بولنادم . یالکز بوراد انجمن طرفدن یازلمش  
 اولان مضبطه لرك موضوع بحث اولدیغنی وایشیتدی که کورده  
 مضبطه لرك محتویاتی دوغریدن دوغری یه مدافعه ملیه مطلوباتی  
 مناسبته یازلمشدر . اوکا متداردی . رئیسک ایضاحات  
 شفاهی سنه کلتجه : او جلسه نك پک صوکنه یقشدیکم  
 ایچون معذور کورمکزی رجا ایدرم .

صلاح الدین بک ( مرسی ) — مساعده ایدرسه کز  
 بنده کز عرض ایده یم افندم !

بصری بک ( قره سی ) — افندم ! اولجه داخلیه  
 وکالتنده مأموریتلری لغو ایدیلن بعض مدیریتلر هیئت  
 جلیله جهده لغولری کیفیتی تصویب ایدلدیکی حالده موازنه  
 مالیه انجمنهجه ؛ هیئت جلیله نك تصویبه رغماؤ بوتوصوبدن  
 صکره بو مأموریتلرک تکرار احداث ایدلدیکنی آکلایوروز .  
 حالبوکه لغو ایدیلن بو مدیریتلر حقتده هیئت جلیله یه  
 عرض معلومات ایدلمش و هیئت جلیله اوکا مطلع اولمش  
 و آنجق اوندن صکره درکه : کیفیت موازنه مالیه انجمنه  
 تودیع اولمش . موازنه مالیه انجمنه صلاحیت ویرلمشدی .  
 موازنه مالیه انجمنی صلاحیتی خارجه چیقمشدر . بو  
 خصوصده ایضاحات ایستیورم .

توفیق رشدی بک ( منتشا ) — مطبوع اولوب  
 آرقداشار بک اللرنده بولان بودجه نك مضبطه سنده بر  
 قطه یی تشریح ایتمشدک . وبالخاصه اونک اوزرنده بر آزده  
 دور مشدق . اوده شودرکه : موازنه انجمنی بر چوق  
 تحولاته اوغراد ی . ایوم ، موجود اولان انجمن تام اعضاسیله ،  
 آرقداشمک موضوع بحث ایتدیکی ایشلری کورمش  
 اولان انجمن وضعیتده دکلدرد . یالکز ، خاطر مدده قالدیغنه  
 کوره ، مجلسک آنجا ایتدیکی مقررآت هیئت جلیله نك  
 تصویبیه مالیه وکالتنه تبایغ ایدلمشدر . وذاتاً ، بو کون  
 موجود اولان انجمنکوز او قرار وجهله ، حرکت ایدلمسنی  
 و اونده اصرار ایدلمسنی صریح بر ماده ایله ادعا ایدییور .

ایدیلان بکرمی میلیون آوانسه شباط غایسنه قدر تحقق  
 اید جک فضله مصارفک مقابلی اولق فقط شباط غایسنه  
 قدر تحقق ایتدیکی تقدیرده صرف ایدیله مه مک شرطیه  
 اجرا وکیللری هیئت نامه مالیه وکیلنک طلب ایتدیکی  
 مقدار نظر اعتباره آنهرق ، بر طرفندن ده سعه مالیه من  
 و احتیاجاتم نظرندن دور طولیهرق ، انجمنجه بش میلیونک  
 کفایت اید جکنه قناعت کتیرلشدر . حالبوکه ؛ انجمن  
 رئیسک موضوع بحث ایتدیکی مسئله متعاقباً کله جک  
 ماده ددر .

نوری بک ( بولی ) — انجمن رئیسک بکرمی میلیون  
 لیرانک کفایتنه قائلدر . او یله اکلادق . حتی حسن بکک  
 تکلیف لرنده بوبش میلیون لیرا واردی . انجمن رئیسک بیاناتی  
 اوزرنده حسن بک او فقره یی تقریردن طی ایتدیردی . چونکه :  
 انجمن لزومه قائل دکل ایدی .

توفیق رشدی بک ( منتشا ) — هیئت جلیله لرینه  
 خطاباً یازیلوبده قرائتی نصلسه تأخر ایتمش اولان او مضبطه  
 نك محرری کندم اولق اعتباریه ، شویله خاطر لایورم .  
 او آوانس مدافعه ملیه مصارفنه متداردی . حالبوکه بوراد  
 بش میلیون آوانس صرف دوائر سائر نك مصارفاتنه  
 مقابلدر .

حاجی مصطفی افندی ( آقره ) — خیر مدافعه ملیه  
 نککی اساساً بلا مذاکره قبول ایدلمشدی . یالکز  
 حسن بکک بش میایون آوانس تکلیفی واردی : اوکاده  
 انجمنکوز لزوم یوق ، دیدی . اونلرک تخصیصاتی ، بیلمم  
 حواله سی هپسی ویرلدی . اونی چیزک ! اوکا کوره قبول  
 ایدلم ، دیدیکز . بزده کوندردک . نیم آکلادیغم بو ...  
 آکلادیغم برقطه واریسه اونی ایضاح بویورک .

صلاح الدین ( مرسی ) — مساعده ایدرسه کز افندی  
 حضرتلرینک سؤالنه جواب ویره یم .

توفیق رشدی بک ( منتشا ) — مساعده ایدرسه کز  
 هیئت جلیله کزدن بر شی رجا اید جکم . ابتدا افندی  
 حضرتلرینک سؤالنه جواب ویرمک ایسترم . فقط ؛  
 شکری بکه قارش ی معذورم . چونکه : کندیسی موازنه  
 مالیه اعضاسنندنر . و بو اعتراضی اوراده سرد ایتمه مش

اگر حکومتی هیئت جلیله مقررانته مخالف برشی تبلیغ  
ایدلشسه و یا خود اجرا و کیلری هیئتی بورادن بر قرار  
تبلیغ ایتهدن بر انجمنك ؛ دكل موازنه انجمنك ، هر  
هانكي بر انجمنك عندي بیاناتیله اجرا آته قانقیشمق  
ایسترسه آرقداشمله برابر برلشیر و تخطئه ایتك ایسترم .  
یا لکز او مسئله لرك ماده بیسانیه تصریحی لازمدر .  
و بویله بر شیئك واقع اولمادیغنی ظن ایدیورم .

بصری بك ( قره سی ) — ماده عرض ایتدم اقدم!  
بوراجه الغا ایدلدیگی رسماً سویلندیکی حالده...

مالیه و کیلی حن بك ( طرزون ) — ندر او  
الغا ایدیلن ؟ . . .

بصری بك ( قره سی ) — بعض مدیریتلر اقدم!  
الغایلدیگی بوراده رسماً سویلندیکی حالده: موازنه انجمنك  
معلوماتنه رغماًء حكومت لغوا ایدیلن بو مدیریتلری تکرار  
أحداث ایتشدر .

توفیق رشدی بك ( منتشا ) — عجبا هانكي  
تاریخده اولمش ؟ .

بصری بك ( قره سی ) — تموزدن صکره .  
توفیق رشدی بك ( منتشا ) — او حالده مساعده.

کزله، بو بر جلسه خفیه به تعلق ایتدیکندن دولایي ،  
ایضاحانه دوام ایدمه حکم . سؤالکزدن عفویوریکز .  
ایکنجی سؤالکزده بولنمادیغ زمانلره طائد اولدیغنی ایچون  
او خصوصده اوزمان بولنان آرقداشلریمك بکا و کالت  
ایتمسنی رجا ایدرم .

صلاح الدین بك ( مرسین ) — افندی حضرتلرینك  
سؤالنه جواب ویرمك ایسته یورم . خدمات عمومی دولت  
ایچون بورایه بش ملیون آوانس دهه علاوه ایدیورسکز .  
حالبو که : انجمن رئیس بوراده آوانس ویرمکه لزوم  
اولمادیغنی سویله مشدی . اوت ! کندیلرینك یابدیغنی تدقیقاته  
لغراً بو بر مسئله در . ۳۳۷ سنه سنك بودجه کزده محرر  
اولان مصارفات مقداریه حكومتك حقیقی اوله رق ویردیکی  
حواله لرك یكونی و بو حواله لری تحقیقات آره سی خیلی  
فرقلی شیلردر . بناء علیه ؛ بو صورتله سزك ویردیكز  
مبالغه یعنی یتیشیدی میلیونلق هیئت علیه کزه متقدم اولان

بورجه ایچریسنده خدمات عمومی دولت ایچون لازم اولان  
پاره وارددر . فی الحقیقه ؛ بو قیدده وارددر . و بوقیده نظر آبو بویله در .  
فقط عجبا بو قیود مالیه لازم اولان معلوماتی هر طرفدن  
آمش و انتظام مطلوبه کیش بر قیدمیدر ؟ مسئله بودر .  
یعنی مالیه و کالتی ملحقان دن دوغری ووقیله حساب  
الامامش . و بزه صاعلام بر حساب ویرمه مش . بوندن  
دولایي آله جفمن وارددر دیه بورایه یورایه ویرمیه جك  
اولورسه ق معاملات مشکلاته دوشه جکدر . حقیقنده ،  
بوراده ویردیكز بش ملیون آوانس بر وعددن ،  
برسوزدن عبارتدر . بو صرف اولونمیه جقدر . اگر شمدی به  
قدر خارجه ویردیكز حواله لر و تحقیقات حقیقه بزم ظن  
ایتدیكز قدر وارسه کندیسنك پاره سی وارددر دیمکدر .  
بو پاره صرف اولنمیدن قاله جقدر . یا لکز حوالان دن  
نه قدرینك آندیغنی مسئله سی مجهولدر . ایشته ؛ بنم آکلادیغ  
ورشاد بلك عرض ایتك ایستدیکی شی بوندن عبارتدر .  
بناء علیه ؛ بوراده کرک دوائر دولتک شباط نهایتنه قدر  
شو ایشی چیقارمق ایچون کرک جهت عسکریه نك شباط  
نهایتنه قدر تحقق ایده جك خدمات ایچون طلب ایتدکاری  
اون ملیون لیرا بر کله ویر رقدن عبارتدر . هیچ بر  
ماهیت عملیه سی یوقدر . حتی بو اون ملیونی بشده  
پایه جقدم . چونکه : بونك ایچون حساب ویرمکه دائره سی  
مجبور ایده جکز . فقط ؛ ایستدیكز حسابی بزه  
ویرمیه جکلردر . بیلمم عرض ایده بیلدم می ؟ مثلاً :  
شباط ایچریسنده اردونك لازم التادیه دیونی و لازم الصرف  
مصارفی وار . فقط ؛ بو مصارفه ؛ کندی حواله لری  
یتمش ، کافی کله مه مش . فقط ، یتمش اولان حواله لرندن  
هپسنی تادیه اولنشمیدر ؛ هپسنك مقابلی وارمیدر ؛ محللرنده  
یوقسه . بوش و آچیقده کزن حواله لری می طولو ؛ و بو  
تحقق ایتسون دیه بز بوراده پاره یی ویرمیه جك اولورسه ق  
ایش یورمیه جك و دورا جقدر . شباطک نهایتنه بر هفته  
قالدیغنه نظرأ ذاتاً بو بر هفته طرفنده مالیه و کالتك قابل  
تادیه کوردیکی پاره دن ویرمیه بیلدیکی مقدار صرف اولنه جق .  
قصوری حسابدن عبارتدر . کله دن عبارتدر . اونك ایچون بونی  
امساک ایتمکه لزوم یوقدر . صکره شمدی به قدر صرف ایتدیكز کزک



حساب حقیقی ویریکز دیه اوغراشه جغز . چونکه :  
ویره میه جکاردر . آچیقجه سی بودر .

سعادتك ( قسطنطونی ) — تحقق ایدن مصارفی مارتیه  
قدر ویره بیلیرلرمی ؟

صلاح الدین بك ( دوامله ) — والله ، نیم قناعتم مارتیه

قدر بو حسابی ویره مزلر . فقط ؛ اصول محاسبه عمومیه

قانونی وجهله قیصه بر زمانده ایسته مکدن دوغری بر چاره

اولمدینی ایچون ، بزرنجی مادهده بالخاصه بدیهی اولمقله

برابر بولوزومی تکرار ایتدک . چونکه ؛ بوسنه کاملاً انجمنکوزک

ویردیگی اساسات داخلنده صرفیات اجر ایدلمشدر . آوانس ده

کچمشدر . فقط ؛ حساب قطعی آلمه دجه بودولتک ایراد

و مصرفی معلوم اولماز . چونکه ؛ قیود مالیه — مساعده

بیورر سه کز سویلیهیم — ای بر حالده دکلدر . بونک

بر جوق مشکلاتی وارددر . بونی ده اعتراف ایتلی . مالیه مزه

بر انتظام ویره میورز . ایشمزده چوقدر . بز حساب آلمق

مشکلاتندن طولانی ، بش و اون میلیون رقلرینی قبوله

مجبور اولدق . بونک بر قیمتی یوقدر . اون میلیون اون

میلیوندر ظن بیورمه ییکز . بو ، تسهیل معامله دن

عبارتدر . بشقه برشی دکلدر .

صلاح افندی ( ارضروم ) — ذات عالیلری انجمن

نامه می بیان معلومات بیور بیورسکوز افندم ؟

صلاح الدین بك — اوت افندم مذاکره سنده بولتمشدر

و بو همکسزک بیله جکی بر مسئلهدر .

صلاح افندی ( ارضروم ) — ذات عالیلری دیورسکوز که :

قیود مالیه نک هر بر اینجه لکنه . واقف اولمدیغمز ایچون

بویله بر پاره نک ویرلمسند بر احتیاج وارددر . حتی ؛ ایکنجی

امر ییکزده دیورسکوز که ؛ مالیه وکالتنه عائد بالعموم حسابات

ده صاعلام بر حساب اوزرینه استناد ایتمه مشدر . تثبیت

ایدلمش بر ترتیب دکلدر . حتی ، محققانده ده حساب آله

مامشدر . بنده کز او یله ظن ایدیورم که ؛ مالیه وکالتنک

حسابی تبدیله اوغرا تان بوتون مدافعه ملیه ایشلریدر .  
( پک دوغری صدالری ) صکره مساعده بویورک . . . .  
مالیه وکیلی بکی تخطئه ایتک ایجاب ایدر سه شونی دیمک ایجاب  
ایدر که ؛ کچن سنه اوده موازنه مالیه انجمنده بر مزله برابر آرقداش

ایکن وکیل اولمده دن اول اوده ادعا ایدیوردی که « ۳۳۶ واردات

عمومیه سنی محققانده سنه اوردن آلوب نصل اولور سه

اولسون ، بر کره باقم . بز قاج غروشه مالکز ؟ ؛ بیلهم

دیمشدی . فقط وکیل اولدقدن صکره اوزون مشغله لزه

کیردی . بوسوزی هر نصلسه اوده اوتوتدی . شمندی اصل

شوراده بش میلیون ، دردنجی مادهده بر اون میلیون

دها قبول ایدیورز . بونی بر سبب اوزرینه قبول

ایده جکمزی بیلمیورز که ؛ نایچون اولش میلیون قبول

ایدیورز ؛ اون میلیون نهدر ؟ بک افندی ؛ بو حسابات

ایچریسنه عسکری المده بحیا فضیه بر پاره یوقیدر ؟

( بوکا مالیه وکیلی جواب ویرسون صدالری ) بک افندی ؛

ذات عالیزه موازنه مالیه انجمنی نامه صور بیورم .

مدافعه ملیه نک المده پاره وارددر . حتی عسکری اعاشه می ،

معاشه ؛ معاشی ، ملبوسانه ؛ تجهیزاتی ، معاشه صرف ایتک

صورتیله بویله قارما قاریشیق شیر یابدی . و بوتون ملتک

اموالی و مالیه وکالتنک حساباتی قارمه قاریشیق ایتدی .

سز بونی قبول بیورمز میسکوز که ؛ هر هانکی بروکالتنک

اولمقله برابر ( بوسؤال دکلدر صدالری ) ( کورولتیلر )

هر حالده نصل معارف وکالتنده بر آنکته یابدیکز سه ،

بر تدقیقات یابدیکز سه بوداژدهده بر تدقیق یابارسه کز

— موازنه مالیه انجمنی رئیسنک دیدیکی کبی — او بش

میلیونی ده اوزادن آتارسکوز . فقط ؛ بو آنکته یابدیرمق

ایسته میورز . ( نه ایچون یابدیر میه لم سسلری )

صلاح الدین بك ( مرسین ) — مساعده بویورک ؛

شمندی افندم ؛ ۳۳۱ شوقدر میلیون لیرایه حاجت قالمیور .

مساعده بویورک افندم ؛ شمندی افندم ؛ دوائر ملکیه نک

مصارف عمومیه سی بودجه کزده اوتوز اوچ ملیوندر .

بو ۳۳۱ ملیونه مقابل مالیه وکیلی المزدن یکرمی ملیون

لیرا آوانس آلمشدر . طبعی ۲۰ ملیون لیرا ایله اداره

ایدلز . بونک بر قسمی منحلالتدر . بر قسمی صور ساژره

د کل ۲۴ له ، ۲۳ ايله بورجنى قپانه بيله جقدر . احتمال كه :  
 پاره بر آژ طاشه جق و بوډه حساب قطعي ده بللى اوله جقدر .  
 بناء عليه ؛ بواعتبارى بر مسئله در . افندم ! هيئت عليه كرك  
 اردونك مصارفى خصوصنده قبول بووردى فنگز ۴۴ مليون  
 وبوكماتداثر اخيراً آوانس اوله رق ، احتياج كوردكلى شو  
 پاره ايله اردونك آلديغنى هيئت عليه كز آرزو ايتديكى  
 كې مراقبه ايدر ، و ايتليدر . بو هيئت عليه كرك آرزوسنه  
 تابع بر مسئله در . سزى بوندى منع ايدن هيچ بر  
 كيسه يوقدر . چكن سنه اردونك قادرو ليرنى تنظيم ايتديكز .  
 فقط ؛ بالاخره تعيين اولنان قادرو لرن انحراف ايدلمشدر .  
 بو اعتراف ايدلمه ليدر . بونك اجابات احوال اولانلرى  
 واردر ، اوليانلرى واردر . بناء عليه ؛ بو نقطه يى ۳۳۷  
 سنه سى بودجه سنده مفصلاً مذاكره ايتمه جكز . بالاخره  
 ۳۳۷ نك ياره لر يى دخى اورته يه دو كه جكمز ايچون ، بو  
 مسئله اوزرنده اوزون اوزادى يه تشرېحه كيريشمكى  
 شمديدن ايسته ميورم . ۳۳۸ سنه سى بودجه سى قريبا  
 كه جقدر . اونده سنين سابقه يه عائد معاملاتى تدقيق  
 بو يورر سگز . بنده كز تكليف ايتك ايسته ميورم .  
 ونه كيم ؛ چكن كون هيئت عليه كزه بر تقرير و ير مشدم .  
 بودجه يى تنظيمه مأمور ايديلان هيئت تحقيقيه يى و يا خود  
 مجلس عاليكز دن آخر بر هيئتي مدافعه مليه بودجه سنك  
 انساى صرفنده مراقبه خصوصنه مأمور بو يورر سگز .  
 وكالت عا ئده سيله برابر بودجه يى عينا تطيقه چاليشير لر .  
 طاشير مامغه غيرت ايدر لر .  
 صالح افندى ( ارضروم ) — پك كوزن اولور . بنده  
 هيئت عليه يه ديورم كه : اكر هيئت عليه بر قونطورول  
 وضع ايتز ومدافعه مليه وكالتنى قونطورول ايتز سه بزده  
 معنامسؤل اولورز . ( كافي صدالرى ) كافيسى يوق عنزيم .  
 نظر دقتكزى جلب ايد ميورم .  
 صلاح الدين بك ( مرسين ) — ۳۳۸ بودجه سنده  
 بوتون بونلر نظر دفته آلمشدر .  
 دوكتور سعاد بك ( قسطنونى ) — بك افنديك  
 بو يور دقلىر بو فقره در دنجى ماده يه عائددر .  
 حق حامى بك ( سينوب ) — بو بش مليون ايرا

اوانسى موازنه ماليه انجمنى هانكى تكليف اوزرينه نظر  
 مطالعه يه آلمشدر ؛ و بونى كيم تكليف ايتمشدر ؟  
 صلاح الدين بك ( مرسين ) — حسن فهى بك تكليفى  
 اوزرينه نظر اعتباره آلمشدر .  
 حق حامى بك ( سينوب ) — معلوم عاليكز آوانس  
 قانونلرى دو خريدن دوغرى بو قانونه اشتغال ايدن  
 دواثر متعلقه سنك كوستره جكى لزوم اوزرينه ، يعنى حكومت  
 طرفندن كه جك بر تكليف اوزرينه اوله بيلدر .  
 ماليه و كلى حسن بك — تكليف مز واردر افندم !  
 موازنه ماليه انجمنده در .  
 حق حامى بك ( سينوب ) — ذات عاليكز ، بو يو-  
 ريور سگز كه بش مليون ليرا بر يكون تشكيل ايدر .  
 فقط بونك قيمت تقديه سى يوقدر .  
 صلاح الدين بك — اعتبار ايدر .  
 حق حامى بك ( دوامله ) — معلوم عاليكز بش مليون  
 ليرالق آوانس بودجه ده كوستريلان مصرفك هيئت  
 عموميه سنى ترديد ايد ميور . و بو تريدى موازنه ماليه  
 انجمنى نه ايله قارشيايور ؟  
 صلاح الدين بك ( مرسين ) — بك افندى ! هيئت  
 عليه كز اردونك مصارفنده ترايدى نه ايله قارشياشمش  
 ايسه ، چكن سنه و يرلمسى ممكن اوليان معاشى نه ايله قپانمش  
 ايسه اونى ده اوصورتله قپانسون ! بر كره هيئت عليه كز  
 فوق العاده عظيم ايشلرى حل ايله مشغول اولديغى بر زمانده  
 محدود بر طاقم مسائل قارشوسنده البته ، آچيق و ير جقدر .  
 اونك ايچون بنده كز بو بحثى توسيع ايتك ايسته ميورم .  
 حسين عونى بك ( ارضروم ) — بوكون شباطك  
 يكرمى برنجى كونى ، افنديلر ! اردونك مقدما قرق ددرت  
 مليون ليراسنى قبول ايتمش ايدك . بردفعه ده ايكي مليون  
 قبول ايتدك . شمده ده آلتى ، يدى كونلك تحقق ايدم . جك  
 مصارفه مقابل اون مليون و يريله جك . فقط ، اولجه  
 و يريلن يكرمى مليون ده اون بر آى ايچون و يرلمش  
 و بونكه ماليه وكالتى اون بر آى يكرمى كونلك امورى  
 تدوير ايتمشدر . يالكز ، بوراده ديونه كلنجه : بوراده  
 بر كره ديون موجود ، فقط ؛ تحقق ايتمش ثابت بر رقم

موجود دکلدر. اگر ثابت بر رقم موجود اولمش اولسه یدی  
 بش مليون امیرا بش غروش یدردی . بوتذبذبه مجلسی  
 اشتراك ایتدی ریورلر. تحقیقی بیلمه دن، مقداری بیلمه دن  
 حکومتک سلمه السلام تکلیف ایتدیکی شوپاره بی موازنه  
 مالیه انجمنک ده قبول ایتدی دوغری دکلدر . مجلسک  
 ایسه ، هیچ دکل . بناء علیه ردینی تکلیف ایلرم .  
 توفیق رشدی بك ( منتشا ) — آرقداشلر، مسئله  
 ظن اولندیکی کی، ادعا اولندیکی کی تذبذب آمیز دکلدر.  
 بالعکس غایت صریح و واضعدر. بوراده هیئت جلیله کز  
 دها بر قاچ کون اول ایکی مليون لیرا آوانس قبول ایتدی  
 جهت عکریه بی اعشار عینیاتی تسلیم ایتدک که بونک  
 محسوبی لازمدر . ایکینک مجموعی یدی سکز میلیون  
 لیرا طوتیور . رجا ایدرم بوراده کورون تخصیصاتک  
 محسوبیدر . برده شباط نه ایتنه قدر تحقیق ایده جک  
 مصارفک محسوبیدر .

خیری بك ( درس ) — رئیس بك ، مالیه و کیلی  
 حسن بك افسدینک و یردیکی بوتقریر میداننده در . بش  
 میلیون یازلمش ایکن بالآخره چیزلمشدر . بوتقریر لطفاً  
 او قونسون اقدم !

توفیق رشدی بك ( منتشا ) — ۳۳۷ بودجه سنی  
 بر آوانس سنه سی اوله رق کچیرمکه و اوکا کوره لایحه سی  
 تنظیم ایتمکه موازنه مالیه انجمنی مأمور ایتدیکنز .  
 هیچ بر انجمن کسب قطعیت ایتمین ، یالکنز نظر دفته  
 آلمان بر تقریرک بتون مندرجاتیه مقید دکلدر . هر حاله  
 حضور یکنزه ۳۷ سنه سنک احتیاجاتی حساب ایدره ک  
 کلک ایسته یورز . حسابه مستنداً عرض ایدیم که بعض  
 دواړک وقتیه حواله نامه لری کسلمش و بیتمشدر . موجود  
 حواله نامه قلمامشدر . بش مليون لیرا آوانسه احتیاج  
 واردر . آنحق اولجه حسن بك افندی طرفدن تکلیف ایدیلن  
 و دیگر اعضا طرفدن سویله ندیکی وجهله صرف اولنماش  
 حوالات واردر . بوندن استحصال ایدیه جک نتیجه لهم مزه در  
 یعنی آچیق ظاهریدر . بودجه ل ذاتاً تخمینیدر . ظاهری  
 اولان آچیق بودجه تصرفاتی اوکنده خیلمدن خیلی به  
 آزاله جقدر .

خیری بك ( درس ) — دیمک که هیئت جلیله تک  
 حواله بیوردینی اساس اوزرندن دکلدر .  
 توفیق رشدی بك ( دوامله ) — بناء علیه تکرار  
 ایدیورم . بودجه مزده ظاهری کوریلن آچیق حقیقی  
 آچیق دکلدر . بر جوق بر لره کوندرلمش فقط صرف ایدلمه مش  
 حواله لر واردر . بودجه آ چیغک بوتصرف لره خیلمدن  
 خیلی به آزاله جنی شبهه سزدر .  
 ضیا خورشید بك ( لازستان ) — رئیس بك ا  
 بنده کزده سوز و یریکز .

حسن فهمی بك ( کوشخانه ) — اقدم ! مذاکره می  
 ایده جکنز ، استجوامی ؟ رجا ایدرم . بن سوز آلم .  
 حالا بکلیورم . صره ایله سویلیه لم . سوز آ لانه چیق سونلر  
 سویلسونلر .

سلیمان سری بك ( یوزغاد ) — اقدم ! بصری بك  
 افندی بر سؤال ایراد بیوردیلر . و اوکاده جواب و یرلمدی  
 بنده کزده موازنه مالیه انجمنده بولندیغ ایچون داخله  
 انجمنک قادر وسنک تدقیقی ایچون تشکل ایدن هیئته  
 بنده کزده بولندیغ داخله و کالتندن آلدیغ شو قادروده  
 اداره عمومیه ولایات مدیریه ۶۰ لیرا اداره محلیه ولایاته  
 کذا سبجل مدیریته کذا ۶۰ لیرا معاش تخصیص  
 ایدلمشدی . بواوچ مدیر اولجه یعنی ۳۳۶ لیشر لیرا  
 آلیرکن اوزمان انجمن ریاستنده بولنان مظهر مفید بك  
 اداره عمومیه ولایات اید اداره محلیه ولایات مدیریتری  
 الفا ایدرک بونلری بر میزله اداره و بونلری ده مستشاره  
 ربط ایتک اوزره بر قادر و ترتیب ایتمشلردی . صکره  
 داخله و کیلی عطا بك بوقادرو ایله اداره امور ایدمه چکنی  
 سویله رک استعفا ایتمشدی . بالآخره انجمنله وکالت صورت  
 خصوصیه ده او یوشه رق یینه بومدیریتلری ابقا ایتمش ،  
 یالکنز اداره عمومیه ولایات مدیرینک معاشی ۶۰ لیرا  
 اوله رق ابقا ایدلدیکی حاله دیگر لرینه لیشر لیرا معاش  
 و یرلمشدر . یعنی بصری بك افندیک صور دقلری سؤالک  
 جوابی بوسوزله عرض ایتدم .

بصری بك ( قره سی ) — اقدم ! بوجواب دکل ،  
 که ... مسئله او یوشمق مسئله سی دکلدر . عطا بك افندی

آیه انجمن او بوشه بیلیدی عطا بک افندیك استعفا سنه سبب قالمزدی. عطا بک استعفا سندن صکره انجمن، هیئت عمومی نك قراری خلافتده اولارق مدیرتلی احداث و تصویب ایتشدر. و بوکا علاوه بر طاقم مفتش لکری ده اجداناً علاوه ایتشدر. بو مفتش لکریک تخصیصاتی بودجه به وضع ایتشدر. بنده کز بو مأموریت لکری لزومی اولوب اولدیغی مناقشه ایتک ایسته میورم. فقط اصول نقطه نظرندن علسک موافقتی خلافتده اوله رق انجمنن یاپدیغی بو قرار موافق دکلدز. هیئت عمومی نك بوندن معلومات الیسی و بونک حقتده تکرار قرار و رسمی لازمدر.

سایمان سری بک (یوزغاد) — افندم! بصری بک افندیك بووردقاری کبی موازنه مالیه انجمنک تثبیت ایتدیکی قادرو ایچون مجلس قرار و یرمش وامر ایتشدر. بالاخره عطا بک افندیك استعفا سنی اوزرینه هیئت عمومی نك قراری خلافتده بو مدیرتلی تکرار قبول ایتشدر. مفتش لکری مسئله سنه کلنجه : اوت، قادروده مفتش لکریک تخصیصاتی قونلش و فقط صرف ایدلمه مشدر. و تطبیق ده ایدلمه مشدر صکره صلاح الدین بک افندی موازنه مالیه انجمنک ۱۸ حزران تاریخی قبول ایتش اولدیغی قادروده کی تزییلاتک نمودن اعتباراً تطبیق لازم ایکن، و کالتلر تزییدی ده نظر دفته الیش اولدیغی بووردیلر. مجلس عالی نك بو باده کی قرارنده تزیید ایدیلن مقدارک بودجه نك هیئت عمومی ده تصدیقندن صکره تطبیقنه دائر بر قید یوقدر. بالکن موازنه مالیه انجمنک او وقت و یردیکی قرارده «بودجه ده بر چوق تصرفات یایمشدر. بو تعلیق ایدیلر سه تصرف ایدیلن مقدار هدر اولور. بناء علیه؛ بو قادرولر شمیدین تطبیق ایدلسون، دینلیدی حاله موازنه مالیه انجمنک یایمش اولدیغی تزیید ایتک ده تطبیق لازم کلرکن، ینه تزیید تطبیق ایدلمه مشدر. تدقیقاً صره سنده کوردم که: مثلاً قضا فاعمقا مقلری اولجه ۳۶ سنه سنده درت صنف اوزرینه قبول ایدلش. مثلاً، ۲۰-۲۵-۳۰-۳۵ لیرا معاشرله قبول ایدلش ایکن ۳۷ ده، بونلری موازنه مالیه انجمنی ایکی بیک، ایکی بیک بش بوز غروش معاشرله ایکی صنفه تقسیم ایتشدر. و انجمنک تثبیت ایتش اولدیغی قادرو و تخصیص

ایتمش اولدیغی معاشک نمودن اعتباراً او یرل سنه قرار و یریلدیگی حاله بوده تطبیق ایدلمه مشدر.

حاجی احمد افندی (موش) — افندم! ۳۳۷ سنه سی حزران نك ۱۸ نجی کونی هیئت جلیله چه بر قرار و یریلور که: مارتدن حزران نهایتنه قدرکی: معاشات ۳۶. قادروسی موجب چه و یرلسون. بعض قادرولر ده تزییلات و ضمیات وار. در تزییلاتی قبول ایدیور. یعنی ۳۷ سنه سی نمودن اعتباراً تطبیقنی قبول ایدیور. تزییلات موجب چه تأدیات یاپلسون دینیور. ۳۷ سنه سی نمودن صوکره ضائم وار ایسه هیئت عمومی چه بودجه نك قبولندن صکره و یرل سنه حکومت راضی ایدی.

سایمان سری بک (یوزغاد) — رئیس بک هیئت عمومی نك و یرمش اولدیغی قرارده حاجی احمد افندیك بووردقاری شی یوقدر.

حاجی احمد افندی (موش) — سوزیمی کسه بیگ! صکره تصحیح ایدرسکنز. حتی او وقت بنده کز دائره انتخابیه مده ایدمه مالیه و کالتی مال مأمورلرینه صورت رسمیه ده تمیم و تبلیغ ایدیوردی «صرفیات بر موجب تزییلات یاپلسون. ضائم ده بودجه نك تصدیقنه تعلیقاً تأخر ایتسون. دینیوردی. بو کون سنه نك صوکره آینه کیردک. و صوکره آینه ختام بولمق اوزره در. ضائم شمیدی به قدر و یرلمه مشدر. بونی، بومارت ده بوبله هیئتیه قبول ایده جاک اولور سق بو خزینهی تمامیله اضرار ایدرز بوراده ۱۸ حزران تاریخی قرار موجب چه قبول ایدیلن آوانس و قادرو اساساتی داخلنده تقیصات یایمق اوزره بش میلیون لیرا آوانس دینیلور که ۲۵ میلیونه علاوه ایدیلور، دیمکدر • ار وقت حالز قالماز • بناء علیه؛ ماده نك صلاح الدین بک تکلیفلی و جهله تصحیحنی تکلیف ایدیورم •

رئیس — بصری بک بیوروک! •  
بصری بک (قره سی) — رئیس بک، مالیه و کیلی جواب و یرمک آندن صکره سویلیه جکم •  
حسن فهمی بک (کموشخانه) — افندم! اوچنجی ماده ده مذاکره احتیاج اولان ایکی نقطه واردر. برسی ۱۸ حزران تاریخی موازنه مالیه انجمنک قرارنامه سی که

مجلس عالیك تصدیقه اقران ایش و بو قرارنامه خلافده  
 یاپیلان صرفیات و اجرا ایدیلن تشکیلات مسئله-یدر .  
 قرارنامه تنظیم ایدیلدیکی زمان مجلس عالیده یوقدم . فقط ؛  
 مجلس عالیده جریان ایدن مذاکراتی قسماً ضبطنامهده  
 او قودوم . مذاکره هر نه اولورسه اولسون ، قرارنامهده  
 تثبیت ایدیلن نه ایسه حکم اودر . یالکیز بر نقطه یی  
 اونو تمیملم . و داتما نظر دقدقه طو تالم که : بر سنه نك بودجه سی  
 تصدیق ایدلرسه ، بودجه ، سنه باشنده مجلسك تصدیقه  
 اقران ایتزه ویریلن آوانسلك مقداری اوندن اولکی  
 سنهده مجلس عالیجه مصدق اولان بودجه نك مقداری  
 کجه من . یعنی بر سنه اولکی بودجهده کی مصارفك فوقه  
 چیقماز . بو نقطه قرارنامهده ایستر تصریح ایدلسون ،  
 ایستر ایدلهسون ، مصارفك مفرداتی تأمین ایدن یعنی  
 فصول و مواد اوزرینه مرتب اولان بودجه ؛ نه وقت که :  
 مجلسك تصدیقه اقران ایدر ، اصحاب معاشات ده ، زمان کسب  
 استحقاق ایش اولور . والا معاشات اوزرینه یاپیلان  
 ضمیمات اسکی مقداری تیار و ایده من .

سلیمان سری بك ( یوزغاد ) — فصلك یكوتی  
 تجاوز ایده من .

حسن فهمی بك ( دوامله ) — خایر اقدم ...  
 سلیمان سری بك ( یوزغاد ) — یكون اعتباریله  
 « ۳۶ » دن نقصاندر .

حسن فهمی بك ( دوامله ) — معاش مقدار لرینی دیوروم  
 اقدم . ضیام ؛ بودجه تصدیق ایدیلنجه یه قدر موقوف  
 قالیر . بودجه تصدیق ایدلد کدنصکره . بو قاعده عمومیهدر ،  
 ایستتر قرارنامهده صلاحیت اولسون ، ایستر اولسون —  
 بو قاعده نك خلافده صرفیات وارسه صرف ایدنلر تضمین  
 ایدر .

حاجی شکر ی بك ( دیار بکر ) — کیم تضمین ایدر ، بك  
 افندی ؟ .

حسن فهمی بك ( دوامله ) — آمر صرف اولان —  
 هر هانکی وکالتسه او تضمین ایدر . بو ، حساب قطعیده  
 تعین ایده جک بر مسئلهدر . یعنی بو کون اصول محاسبه  
 عمومیه و اصول موازنه عمومیه قانونلرینه مخالف صرفیات

وار میدر ؟ یوقیدر ؟ دیه تخمین ایده مه یز . بنده کز  
 قاعده احکام عمومیهدن بحث ایدیوروم . قرارنامه دن بحث  
 ایمیوروم اقدم . ایکنجیسی : موازنه مالیه انجمنك اون  
 بر آیلق تدقیقاتی نتیجه سنده الك زیاده تعمیق ، تحلیل  
 و تدقیقه معروض قالان دوا تر مرکزیه و ملکیه بودجه لریدر  
 و بونلر ایچون — اون ایکی آی تدقیقات نتیجه سنده — بزه  
 خدمات ملکیه ایچون ، اوتوز ایکی میلیون لیرا تخصیصات  
 تکلیف ایدلای . بو ۳۲ میلیون ؛ سنه نك نهایتی کله سنه  
 و شمیدی نه قدر آوانسلرله تخصیصات منضمه لر یکر می بر  
 ملیون کسور لیرایه بالغ اولسنه نظراً ، حال مالی حقنده  
 جریان ایدن مذاکره ائشاننده مالیه و کیلی ؛ اوتوز ایکی  
 ملیون فضهدر . دها بش ملیون لیرالق آوانسله قاپانمنی  
 — صلاحیتداز اولق اوزره — سویلشدی . ویردیکم تقریرده  
 بش ملیوندن بحث ایدیشم ؛ انجمنك کو سترمش اولدینگی اوتوز ایکی  
 ملیونی یکر می بش ملیونله قاپانمق مقصدینه مبتنی ایدی .  
 موازنه مالیه انجمنی رئیس بک ؛ ویریلن آوانسلر کافیدر ،  
 شمديك آوانس ویرمه کله زوم یوقدره ، دیدی . بنده کز —  
 صمیمی اوله رق سویلیوروم — بن ، اونی تام بر سوز اوله رق ،  
 قبول ایده میوروم . چونکه : اون ایکی آیلق تدقیقات  
 نتیجه سنده اوتوز ایکی میلیونلق بودجه تصدیق ایدیلرده  
 یکر می سکز میلیونله ناصل قبول ایدیلریدی ؛ یکر می میلیونلق  
 آوانسله بو ناصل قاپانیردی ؟ .. بوکا امکان طیبی یوقدره .  
 اوزمان تقریرده موجود اولان مقداری چیقاردم .  
 و دیدم که : ذاتاً بش میلیون لیرایی قطعی اوله رق ، قبول  
 ایتسه یدی کزدخی بو بش میلیونله نسبة یدی میلیون لیرالق  
 تصرف موجوددر . و مجلس یدی میلیون لیرالق تصرفاتی  
 قازانمش اولیوردی . شمیدی ، شباط نهایته کلنمش اولسنی  
 حسابیله ... ( بر هفته قالدی یکی سنه یه سسلری ) یعنی  
 بو بر هفته ظرفنده بش میلیون لیرا صرف ایدیله من .  
 تحقق ایدن دیونه قارشولقدردر . بونک شباط نهایته قدر  
 صرفی ممکن اولدینگی کی ، دوره متممه یعنی مارت ، نیشان  
 نهایتلرینه قدرده تأدیاتک دوامی جاژدر .  
 مالیه و کیلی حسن بک — تحقق ایدن ...  
 حسن فهمی بك ( دوامله ) — تحقق ایش اولق

اعتباریله، طبیی ۰۰۰ بنده کز بو ماده ده بر نقصانلق بر  
بر سقطلق کوریورم . صوگ سطرنده ؛ یکرمی ملیون  
لیرالق آوانسک شباط غایه سنه قدر صرف ایدلمسی دینمش که:  
بوکا امکان یوقدر .

حسن بک، (مالیه وکیلی) — یکرمی ملیون لیرا  
آوانسه مقابل . . .

حسن فهیمی بک — مجلس عالی قاچ ملیون قبول  
ایده جکسه — که: انجمنک تکلیفی وجهله یکرمی ملیون  
لیرا آوانسه علاوه بش ملیون لیرا قونمش — شککنده  
ماده نک تعدیلی لازمدر . چونکه: صرفی قابل دکلدر ،  
صرفی امر ایدلسه بیله پاره یوقدر . بو ممکن دکلدر .

توفیق رشدی بک (منتشا) — (تحقق ایده جک  
مصارفک قارشولنی اولق اوزره) دیه تصحیحنی تکلیف  
ایدرم ، موازنه مالیه انجمنی نامه . . . یعنی شباط نهایتنه قدر  
تحقق ایده جک مصارف قارشولق اولق اوزره . . .

حسن فهیمی بک (دوامله) — ایشته شمدهی تمام . . .  
آره مزده اختلاف قالدی . بنده کز معروضاتی شمدهی  
یالکز برنجی نقطه یه حصر ایده جکم : آوانسلردن ۳۳۷،  
سنه سنده ۳۳۶ سنه سندن فضله معاش ویرلمش ایسه  
امر اعطالر مسئولدر ؛ اگر وارسه ، تحقق ایتمش ایسه  
وایدیورسه . . . بو قرارنامه لر بودجه حالنده تصدیق  
ایدلمکجه ، ضم معاش ویریه من . اصلی ویریلور ، فضله سی ،  
ضمی بودجه نک تصدیقنه تملیق ایدیلور . اما استحقاقیدر ،  
کسب استحقاق ایتشددر . اوبشقه .

حاجی احمد افندی (موش) — ویرلمش ایسه  
نه اوله جق ؟ . . .

حسن فهیمی بک (دوامله) — نه اوله جغنی اصول  
محاسبه عمومیه قانونی تأمین وتبیت ایتشددر .  
شکری بک (بولی) — اقدام ! دمین موازنه  
مالیه انجمنی مضبطه محرری توفیق رشدی بک برادرمن  
بنده کزک موازنه مالیه انجمننده اعضا اولدیغمدن بو مطالعه یه  
اشتراکی سویله دیلر . واوراده بر اعتراض در میان ایتتمککم  
لازم کلدیکندن بحث ایتدیله ۳۳۷ سنه سی موازنه عمومیه

قانوننک مذاکره سننده بنده کز یوقدم ، اونک ایچون  
سوزیمی بوراده سویلیه جکم طبیی . . . اقدام ، موازنه  
مالیه انجمنک بوکون خسته بولنان رئیس رشاد بک  
بوکرسیدن سویلشلردی که: دوائر بک جزئی بر آوانس  
ایله اداره امور ایلیه جکدر . وبونم ایچون بویله در .  
دیدیلر واونی اثبات ایتک ایچون ده سوز سویلدیله .  
طبیی ، بسوزی سویله ین آرقداشلر منک بو خصوصده  
اختصاصلری واردر . شمدهی بوقیود مالیه نک همتندن  
شبهه یه دوشولیور . وفضله آوانس ویرلمک بوسبب کویستر  
ریلیور . یعنی « قیودمالیه مشوشدر . شویلدر ، بویله در »  
دنیور ؛ رده « ویریه جک آوانسک مقداری معین دکلدی »  
دنیور . حالبوکه: یته بوکرسیدن مالیه وکیلی حسن بک  
یکرمی ایکی الی یکرمی اوچ ملیون لیرا ایله سنه نک نهایتنه  
قدر اداره ایدیله جکنی سویلشلردی .

مالیه وکیلی حسن بک — سویلدیکم یوقدر اقدام . . .  
شکری بک (دوامله) — سویلدیکنز اقدام مضبطلرده  
موجوددر . بنده کز بویله ادعا ایدیورم . شمدهی بو  
بیانات اوزرینه بش ملیون لیرا ایچون تکلیف یاپان حسن  
فهیمی بک ؛ مقدار اوزرنده کی ادعایرندن واز کچهرک بونی  
انجمنک تقدیرینه براقشلردی . یته دولاشه دولاشه بش  
ملیون لیرا اوله رق قبول ایدلمشدر . حالبوکه بو اوچ ملیون  
لیرادن فضله یی تجاوز ایتمه مک لازم کلیر . و اوچ ملیون لیراده  
بو مصرفه ؛ یعنی مالیه وکیل محترمی بک افندینک بیاناتنه  
کافی کله جکدی ، وذلنا اوچ ملیون لیرا اوله رق قبول ایتشمدهی .  
مصطفی کمال بک (ارطغرل) — جلسه خفیه ده موضوع  
بحث اولان بر مسئله جلسه علنیه ده تکرار موضوع بحث اوله ماز .  
شکری بک (دوامله) — جلسه علنیه ده ، خفیه ده  
سوزی یوقدر . جلسه خفیه ده دیمک ، مضبطه واردر  
دیدک .

مصطفی کمال بک (ارطغرل) — اوله ایسه نه  
ایچون جلسه خفیه یی یاپدیکنز ؟ . . .  
مصطفی لطفی افندی (سیوه رک) — هر شیئی ملت  
دویا جقدر ! . . .

توفیق رشدی بک (منتشا) — اگر مالیه وکیلی

بك افندی ! آرقداشمز ، يولداشمز ! . . ( خنده لر )  
 مصارفك تكليف ايديلن بش مليون ليرالقي آوانسندن  
 دهافقصان اوله رق ، اداره ايده بيله جكني بيان ايدرسه ،  
 ذاتاً انجمن ده تفحصنه طرفداردر . يوق ، بوقطه ده  
 اصرا رايديسورسه اسباب موجهه ني كنديسندن ديكله رز .  
 ماليه وكيلى حسن بك — افندم بنده كز  
 اوچنچي ماده نك مذاكره سننده بر آز اساسندن  
 آيرلايغمزي ظن ايديسورم . اوته يرده بر  
 دفعه موازنه ماليه انجمنك تكليفنه مستنداً مجلس عاليجه  
 اتخاذايديان ۱۸ حزينان ۳۳۷ تاريخلي قرارك خلافته  
 اوله رق ، ينه موازنه ماليه انجمنك بالاخره يكي ، يكي مديريتله  
 وظيفه لراحدات ايتديكندن بناء عليه ؛ مجلسك ۱۸ حزينان  
 ۳۳۷ تاريخلي قرارينك خلافته اوله رق ، حركت ايدلايكندن  
 وبوقرار ايسه موقع تطبيقه قونيلديغي حالده ، موازنه ماليه  
 انجمنك بو صلاحيتي حاز اولمديغندن بحث ايتديلر . بنده كز  
 موازنه ماليه انجمنك تكليفني ايله هيئت عموميه نك تموز  
 ابتداسندن اعتباراً موقع تطبيقه قونمسي اساس اوله رق ،  
 اتخاذايتديكي قرارك خلافته بر شيك ياپيلديغي بيلمورم .  
 او قرار بوراده مذاكره ايديليركن ، منحصر آسنه ماليه  
 ايلريله مش اولديغندن ، تدقيقات نتيجه سننده موازنه ماليه  
 انجمنك تصرف مقصديه تايمين ايتمش اولديغي ؛ فقط ؛  
 شكل قانونيلري اعتباريله بودجه نك فضل ، فصل تدقيق وتصديق  
 ايدلمسي قاعده لرينه توافقي اتمه مسي حسييله ، بنده كز او  
 قرارك انساني مذاكره سننده ابي بر اصول ياپيلما مش  
 اولديغي ادعا ايتمش ايدم . وسكره شوننده عرض ايتك  
 ايسترم كه : موازنه ماليه انجمنك سزندن او ۱۸ حزينان ۳۳۷  
 تاريخلي قرارى آوب تطبيق ايدركن ، عجباً مصرف بودجه لري  
 اوزرندنكي نتيجه تدقيقاتي واجرا ايتديكي تفقيحاتك ، تصرفاتك  
 مقداريني ؛ هانكي دواورده هانكي مديريت قالدديغي  
 وهانكي داورده قاچ غروش تصرف ايتديكني اوقرارله  
 برابر مفرداتي بورايد كتيرمشمي ايدى ؛ سكره دهاسي  
 وار ؛ موازنه ماليه انجمنك تكليفيله هيئت جليله كز بو  
 قرارى تصديق ايدركن ، موازنه ماليه انجمنى بونون مصرف  
 بودجه لرينك تدقيقاتي اكمال ايتشمي ايدى ؟ .. خايير ..

برجوق دواور بودجه لري ؛ بوقرار اتخاذاييدون  
 سكره ، موازنه ماليه انجمنجه تثبيت ايدلمشدر . وبوقرار  
 ايله ؛ قرق بش كشيدين مركب فوق العاده موازنه ماليه  
 انجمنك ياپديغي قادرولر ؛ حقيقتاً اوزمانه قدر مرعي  
 اولان ۳۳۶ سنه سي قادرولرندن ، اهميتي مقدارده دون  
 اولديغندن دولاني ، هيئت جليله كز انجمنكزه اعتماد ايتدى .  
 يابه جني تصرفاتي وقادرولري بروجه بشين قبول ايتديكز .  
 بناء عليه ؛ بيلم كه : نصل اولورده هيئت جليله كز بوقراري كيري  
 آير ؛ بناء عليه ؛ شو مديريته شو معاش ويريله جكدر ديه  
 موازنه ماليه انجمنى هيئت جليله كزه مراجعت ايتمه مش .  
 فقط ، هيئت جليله كرك كوردكي تصرفه استناداً  
 موازنه ماليه انجمنه عمومي بر صلاحيت بخش ايتديكز .  
 ( اويله صلاحيت ويرلمدي سسلري ) افنديلر ! بزه  
 هيئت جليله كرك قرارى اولمق اوزره تبليغ ايتديكز  
 قرارى موازنه ماليه انجمنندن اخيراً كتيردم ؛ سطر ،  
 سطر برابر او قودق . بالعكس ، هيئت جليله كز چه اتخاذا  
 ايديلن ۱۸ حزينان ۳۷ تاريخلي قرارك موقع تطبيقه  
 قونمسه قراركز آمردر .  
 بصرى بك ( قره سي ) — مقيددر ، ضبطله اشهاد  
 ايده جكم .  
 ماليه وكيلى حسن بك — او سزك تلقيا تيكزدر . ضبط  
 قرار دكلدر .  
 بصرى بك ( قره سي ) — او حالده بر خطاوار ! .  
 ماليه وكيلى حسن بك — خطايي كيم ايدرسه ايتسون .  
 موقع تطبيقه قويمق مجبوريتنده يولنان هيئت وكيليه  
 ويرديكز قرارده نه بر قيد ، واردر . حق ، نه بر تاخير  
 واردر . بز اوندن سكره ينه دهافزايده تصرف مقصديه  
 تموز ابتداسندن اعتباراً تماماً وقادرولري موقع تطبيقه قويمادق  
 ايسه و صرف ايتك ايسه اونى ايلريسي ايچون وضعيت  
 ماليه مزي دوشونهرك ، دهافضله تصرف يامق مقصديه  
 يامدق ، وبيايدق ؛ تماماً صلاحيت مزاخنده ايدى . وتطبيق  
 ايديلن ۱۸ حزينان ۳۳۷ قرارك امر اولديغي احكام  
 داورسنده اولوردي . بناء عليه ؛ او قرارى هيئت جليله كرك  
 كيري آلمه سنه امكان قانوني بوقدر .

لطفی بك (ملاطيه) — ذاتاً تطبيق ايدله مشدر .  
 ماليه وكيلى حسن بك — تطبيق ايديلنر اولمديغنى  
 كيم ادا ايديوور ؟ مجلس عالينك ۱۸ حزينان تاريخلى  
 بزه تبليغ ايديلن قراره نه ايسه او كا مستنداً مأمورلر يمه  
 تبليغات ياپدم . و او تبليغانده او كا مخالف هيچ برشى  
 يوقدر . تزويداتك بودجه نك هيئت عموميه ده تصديقندن  
 صوكره تأديه سنى بك افندى ! بن تصرف مقصديه ياپدم .  
 حاجى احمد افندى (موش) — بن قراردن بحث ايندن  
 مركزى كندى كوزم ايله كوردم .

ماليه وكيلى حسن بك — بك افندى ! بن اونى تصرف  
 مقصديه ياپدم ، اوامرى اداره و يردم . كندى دوائر  
 مديرلر مه ضم معاش و يردم . قانون چيقمه مشدر و يردم  
 نيدم . و يردم صلاحيتيم داخلمده ايندى . فقط ؛ سويله يورم .  
 بونى تصرف مقصديه ياپدم .

صلاح الدين بك (مرسين) — او حالده ؟ اساس  
 نيات عاليك بزه قبول ايدلمشدر . چونكه : ۳۳۶ سنه سى  
 قانونيله معين اولان قانونك فوقنده مصرف اولماز .  
 اونك ايچون بنده كرزمايمك قبول ايدله مسنى تكليف ايدرم .  
 ماليه وكيلى حسن بك (دوامله) — بناء عليه ؛  
 ۳۳۶ قادر و سندن فضله صرفيات يوقدر . ذاتاً موازنه  
 ماليه انجمنك ۱۸ حزينان تاريخلى قرارى ، تموزدن  
 اعتباراً تطبيقى تحت قراره آيدىلنر ۳۳۶ سنه سى  
 اساساتندن دوندر . قرار كزه مخالف اولمديغى تقديرده  
 بنده كرز هر دولو تصرفاتى اداره آرامق مجبور يتندهيم .  
 اكر او تصرفدن بنى بر قانون و يا قرار كز منع ايتمزسه  
 اونك چون قانون بلكه نم . اداره تأمينه چاليشيرم . بوتاماً  
 ادارى بر تصرفدر .

سليمان سرى بك (يوزغاد) — فقط ؛ مجلس  
 عالينك قرارندن تصرف ايتك دوغرو دكلدر . سز قرارك  
 حكمنى انفاض ايتديك كز دن دولايى مسئول اولما كز  
 لازمدر .

ماليه وكيلى حسن بك (دوامله) — قرار كز او  
 صلاحيتى بكا بخش ايتمش ايدى . يالكز بكا دكل ، بوتون  
 وكيللر كزه بخش ايتمشدر . اونلر تصرف مقصديه او

ترايدي ياپم دقلرندن دولايى معاتب ايسه بن ده كمال افتخار  
 ايله مسئوليتى قبول ايديوورم .

سليمان سرى بك (يوزغاد) — مسئول اولمكز  
 لازمدر . مجلسك قراريله اوينا يورميسكز ؟

ماليه وكيلى حسن بك (دوامله) — مسئوليتى  
 كمال افتخار ايله قبول ايديوورم افندم ! و يردىك كز دن فضله  
 معاش و يرميورم . نقصان و يردىك كمدن دولايى مسئوليتى  
 قبول ايديوورم .

صلاح الدين بك (مرسين) — شايان تشكر در ، بيانا نكز .  
 ماليه وكيلى حسن بك (دوامله) — صوكره افندم !

شونى عرض ايتك ايستم كه : ۱۸ حزينان تاريخلى قرار  
 ثابت قادر و لر مه مستند دكلدر . او قراره مربوط ر قادر و ده  
 يوقدر . حتى مصارف بودجه لر ينك بر قسمنك موازنه  
 ماليه انجمنه تجه تقيمتندن اول و يرلمش اولان بر قراردر .

مرحله بن هيئت جليله بنى تشويق ايتدم . بوقراره كوره ؛  
 خدمات ملكيه ايچون ده (۵) مليون ليرا به احتياج  
 يوقدر دينور . فى الحقيقه : ماليه وكالتى قيود اعتباريله  
 تماماً معاملات حسابيه بنى مركز ايتديزه ميه جك بر طاقم  
 نواقصه معروضدر . و شونى ده عرض ايديم كه : اولكى

معاملات قانونيه بنى بيلير بر آرقداشكز صفتيله سويليم .  
 بو مملكتك بوتون حيات ماليه سنده بو سنه لر مه مخصوص  
 اولمق اوزره دكل ، بو مملكتك بوتون زمانلرى بويله .

بالخاصه حرب سنه لرى طرفنده ، بوتون قيود ماليه نواقص  
 ايله معلولدر . بونك اك بويوك سببى ده سيار بر حاله  
 بولنان اردو حساباتك آله مه مسيدر . واردو حساباتى

آلوب بزه و يره جك هيئتلك شمدیدن وظيفه باشلامسى  
 لازمدر . (ثابت زمانلرده آكلامامشكز در سسلرى)  
 ماليه وكيلى — خاير افندم . بناء عليه ، مدافعه مليه

و كالتنه بز مصدق بودجه ايله قرق درت مليون ليرا و يردك .  
 هيئت جليله كزه شونى خاطر لاقمق ايستم كه : قرق درت  
 مليون ليرا مدافعه مليه انجمنك مدافعه مليه ده ياپديغى  
 تدقيقات نتيجه سنده تثبيت ايتديكى بر قادر و يه مستند

حساب ايدى . او قادر و يى بايان آرقداشلر مز شمدى  
 بوراده ينه انجمن مزده بولونورلر . و اونكله برابر



عین زمان طرفنده هیئت جلیله کزه تقدیم ایدیلوب  
تصدیق ایدیلن سفیرلک و جبهه و مقامات معاشاتی  
ویریله جکی ایچون او بارده ۴۴ میلیونق بودجه نك  
ایچروسنه قونمشدی. حالبوکه : افندیلر هیئت جلیله کزده  
سفیرلک و جبهه ضمی قانونی مذاکره ایدیلیرکن، او قانونی  
تثبیت ایدن مدافعه ملیه انجمنی ایله موازنه مالیه انجمننک - که  
بنده کزده اوراده بولنیوردم . - تثبیت ایتدیکی اساساتی  
هیئت جلیله کز مدافعه ملیه لهنه مبعجل مقدس بر حس  
تقدیر ایله ارتدیره رق، قانونی تعدیلاً قبول بویوردیکز.  
وبو تعدیلکزدن دولای مدافعه ملیه نك جبهه و سفیرلک  
ضاممی تام ۷ میلیون لیرا طومشدر . کرک بو فضلہ قسم  
وکرک سنه ایچریسندن اردونک یکی تشکیلاتندن وجوده  
کان تراید دولایسیله مدافعه ملیه نك خدمات عمومی سی  
ایچون برسنه طرفنده قبول ایتدیکی کز پاره بوکا کفایت  
ایتمدیکندن و اولسکی بودجه ده بونک حواله سنی قارشولایه جق  
پاره اولمدیفنی ایچون، بالطبع حواله سی کسسیلوب محلنه  
کوندریله مه مشدر . بوندن دولای ، دیون موجوددر .  
و محققدر و ارباب استحقاق میدانده در . اونک ایچون،  
مالیه و کالتکز صوک آیلره عائد اولان معاشاتک حواله سنی  
ویره مه مکده در . اسبابی ده بودر . بوکون هیئت جلیله کزدن  
ایسته نیلن اون میلیون لیرالق تخصیصات منضمه نك ۲ میلیون لیراسی  
کچنده ویردیکی کز پاره در . آنجق بو اربادن متولد  
فضلہ مصارفات متفرقه عسکریه یه قارشولق اوله رق،  
ایسته نمکده در .

ضیاخورشیدبک (لازستان) — رئیس بک! بو اون  
دردنجی ماده یه عائددر .

مالیه و کیلی حسن بک (دوامله) — افندیلر! موازنه مالیه  
انجمننک تثبیت ایتدیکی و تموزدن اعتباراً موقع تطبیقه وضع  
ایتدیکی خدمات ملکیه قادرولری ایچون المزده کی بودجه مزه  
قونان تخمینات ۳۱ میلیون لیرادر . شمدی یه قدر بنده کزه  
خدمات ملکیه ایچون ۲۰ میلیونلق آوانس ویردیکیز .  
تصور بویورما سونک: بن شباط غایه سنه قدر بویکر می میایون  
لیرا ایله ، بواساسات دائره سنده خدمات عمومیه بودجه لیرنی  
قیانه می . قیام مشدر . و صوک آیلرک حواله لیرنی طشره لره

کوندرمه مشدر . چونک: بویکر می میلیون لیرادن بقیه  
تخصیصات قائمه مشدر . بناء علیه ؛ بنده کزک حد اصغری  
بر تخمین ایله وامنتله و آتیا حساب قطعی قانونی ایله بر حساب  
ایسته مه مک اوزره ، ( ۵ ) میلیون لیرالق بر تخصیصاتک  
خدمات ملکیه ایچون قبولی زجا ایدیورم . بو مصارف  
تحقق ایتش ایسه ایتمشدر . بوکون بش پاره ویرمزسه کز  
بیله یارین بکونی حساب قطعی قانونیله ویره جکسکز . چونک:  
موازنه مالیه انجمننک تثبیت ایلدیکی اساسات دائره سنده در .  
و هیئت جلیله نك قرارینه مستند اوله رق، موقع تطبیقه  
قومشدر . ماده رین بوکا کسب استحقاق ایتمشدر مصرف  
وار ایسه بر نلری بوکون ضی ایتک و تخصیصاتی ویره مه مک  
ایله دولتک دیونی حالتندن چیقارمق امکان قانونی یه بو قدر .  
بونی ویره مه مکله ، شمدی یه قدر صرف ایدیله مه بن پارانی  
اسراف ایده جک فکرده دکزه بش کون طرفنده اسراف  
ایتمه مزک امکانی ده بو قدر اقدام اعتماد بویوردیکیز . بناء علیه ؛  
بو ماده حقیقده کی معروضاتم بوندن عبارتدر .

رئیس — اقدام! مذاکره نك کفایتی حقیقده تقریر لر  
وارددر . ( مذاکره کافی سسلری) مذاکره نی کافی کورنلر  
لطفاً اللرنی قالدیرسونلر ! ( مذاکره کافی کورلدی)  
بصری بک (قره سی) — اقدام! بر جبهتی سویله مک  
ایستیورم .

رئیس — بویورک اقدام! مذاکره نك کفایتندن  
صوکره بر ذات سوز سویلیه بیلیر .

بصری بک (تره سی) — افندیلر! اونجی جلدک  
اوتوز طقوزنجی اجتماعنک برنجی جلسه سنده ۱۸ جزیران  
۳۳۷ تاریخلی مذاکره مزده موازنه مالیه انجمننک مضبطه سی  
موضوع بحث اولمش و بو مضبطه ده بودجه لر مجلسجه قبول  
و تصدیق ایدیلنجی یه قدر اولسکی قادروده بولنان مقادیر و نسبت  
دائره سنده معاشاتک تأدییه سی و بو خصوصده تصرف ایدیلن  
مقادیری تنقیص و موازنه نی اخلال ایده جکنه بناء  
انجمن مزجه قبوله اقران ایدن دوائر بودجه لر نده کی  
تصرفاتک و اصغری اتخاذ ایدیلن قادرولرک تموزدن اعتباراً  
تطبیقنک مجلسجه قراره ربطی صورتیله تصرف ایدیلن  
مقادیرک محافظه سنی و هیئت و کیله یه تبلیغنی هیئت عمومیه یه

عرض و تکلیف ایلرزدیورلر . بومضبطة حقنده اووقت موازنه مالیه انجمنی رئیس بولان حکاری مبعوثی مظهر مقید بک اوزون اوزادی به ایضاحات ویرمشلر . هانکی وکالتلرده وهانکی دواورده نهکی تصرفات اجرا ایدلدیکنی مجلس عالیگزده عرض ایتمشلر . بوسروده داخلیه وکیلی بولان نیکده مبعوثی عطا بک افندی کری به چیقمش . مظهر مقید بکک بیانانه اعتراض ایتمش . بالخاصه نقطه اعتراض؛ ملکیه مفتشلکر بیلر ژاندارمه تخصیصاتی وداخلیه وکالتنده کی ایکی مدیرتک ابقاسی اطرافنده جریان ایتمش . او وقت حسن بک افندی شمدی به قدر یابدقلری کبی، بو تصرفک غیر قابل اجرا اوله جنی وادیسنده بیانانده بولنمش . بنده کز اختصار ایدیورم سر بالخاصه دمین موضوع بحث ایدیلن داخلیه مدیریتلری حقنده مظهر مقید بکک قیصه بر افاده سی وار . دیوررکه : « معلوم احسانکز داخلیه نک ایکی مدیریتی واردر . انجمن بویکی مدیریتی لغو ایتدی . فقط ، قلملری لغو ایتدی و بو قلملرده برر ممیزله کتبه موجوددر . مستشار بونلری اداره ایتسون . ذاتاً بویکی مدیرک نتیجه مساعیسی ینه مستشاره کلیر . معاملات بویله در . ایکی مدیری قالدیردق . بونلری ایکی ماضیه به بالتفریق برینه امور داخلیه ، دیگرینه امور خصوصیه ولایات ماضیه سی دیدک . ینه او ، تشکیلات دوریورر افندم ! یالکز مستشارلر امرینه ویردیگ . انجمنجه یاییلان تنقیحات بودر . داخلیه ده یاییلان بو تنقیحات کبی ، تموزدن اول بودجه لری تدقیق ایدیلن دواورده تنقیحات و تصرفات یاپلش و بناء علیه ؛ مجموع تصرفات ۳ - ۴ میلیون لیرایه چیقمشدر . افندیلر ! نتیجه ده موازنه مالیه انجمنک بو ایضاحاتی احتوا ایدن مضبطة مجلس عالیگزک رآینه وضع ایدیلبور . وصلاح الدین بک افندی ده داخل اولدیغی حالده هیئت علیه کزدن ۱۲۸ ذات بومضبطه یی قبول ایدیور . ۵۳ ذات رد ایدیور ، بش ذات مستنکف قالیور . اکر هیئت جلیله الفا ایدیلن بومأموریتلرک الفا کیفیتنی و تصرفاتی قبول ایتهمش اولسه ییدی ، اوسیره ده مجلسده بومضبطه به اعتراض ایدن عطا بک بوندن دولایی ، برقاچ کون صکره

استعفا ایدرعی ایدی ؛ دیمک که : عطا بکک استعفا می بو تنقیحات ایله علاقه دارد . بوندن دولایی وقوع بولمشدر . او حالده ( ۱۸ جزیران ) تاریخنده موضوع بحث اولان تنقیحات و تصرفاتی احتوا ایدن بومضبطة مجلس عالیجه قبول ایدلکدن صکره موازنه مالیه انجمننده دوشن وظیفه بو تنقیحاتک خارجنه چیقماق ( چیقمدی سسلری ) و اجرا ایدیلن بو تنقیحاتی اولدیغی کبی قبول ایتک ، ودواور سائر بودجه لری معاملاتنی تثبیت ایلکدر . حالوکه : افندیلر ! هیکزک ایشتیکی وجهه هیئت جلیله کزک یوقرارینه رغماً ینه الفا ایدیلن او مدیریتلرله بعض مفتشلکر و بعض مأموریتلر ، هیئت جلیله نک بوقراری خرافنده اولق اوزره ، موازنه مالیه انجمنجه احداث واحیا ایدلمشدر . مع مافیه ؛ بن بومأموریتلر لازیمدر ، دکلیدر ؛ نقطه سی حقنده برشی سولیک ایسته میورم . آنجق نیم نقطه نظرم هیئت جلیله نک ویردیکی قرارک انفاذ ایدله یوب بونک خارجنده میلیونلرجه صرف ایدلش اولمیسیدر . هیئت جلیله یاوردر ؛ یا بوقدر . وارایسه هیئت جلیله نک مقررانی هیئت وکیله تطبیق و انفاذ ایتک مجبور ایتنده در . بونک خارجنه چیقان هیئت وکیله مسؤلدر . بناء علیه ؛ بو نقطه حقنده موازنه مالیه انجمنندن تکرار ایضاحات ایسته میورم . یالکز ، صلاح الدین بک افندینک وجدانلرینه مراجعت ایدیورم . حقیقت بویله میدر کلیدر ؟ بوراده سویله سونلر .

صلاح الدین بک ( مرسین ) - افندم ! بنده کز موازنه مالیه انجمننده بولوندیغیم ایچون بویوردقلری مسئله دن معلوماتم واردر . حضر عالیگزده کی بودجه اولجه انجمنده ایدی و موضوع بحث اولان تقریرده کی اساس شوایدی : بودجه ده توازن حصولی ایچون موازنه مالیه انجمنی تجدیداً تأسیس بویوردیکز . موازنه مالیه انجمنه صلاحیت و اسعه اعطا بویوردیکز . خدمات عمومی دولت ایچون ۳۷ میلیونق بر مصرف ایسته نیلیوردی . انجمن ۳۳۶ ده کی بودجه به نسبتله یدی بچق میلیونق تصرفات یابدی . یالکز مأموریتک زواؤدن اولانلری آیقلاقم ، تشکیلات دولنده برکونا رخنه اولماق صورتله ، یدی بچق میلیون لیرا تصرف ایدلش ایدی . آنجق

آی کچدیکی ایچون (بش میلیون) لیرا نەت ، صافی بر  
 تصرف قالمشدی . ایشته اوزمان انجمن هیئت علیه کزه  
 عرض ایتدی که بزم یابدیغمز تصرفات ، بودجه نك  
 نتیجه سنه انتظار ایدیلیرسه کیتدیجه قیمتدن دوشه بکدر .  
 بناه علیه؛ هیئت جلیله مساعده ایدرسه اتخاذ ایدیلن  
 بوقرارلر حکومتجه تموزدن اعتباراً تطبیق ایدلسون .  
 عصمت بك (چوروم) — تدقیق ایدم جکی بودجه لرده  
 بوکا داخلدی .

صلاح الدین بك (مرسین) — تدقیق ایدم جکی  
 بودجه لرده یاپه حتی تصرفات دخی مقبول ومعتبر اولسون!  
 وهیئت وکیله مجلس عالی نك ویردیکی بوقرار موجبجه!  
 تموزدن اعتباراً انجمنك تحقیقاتی وجهله حرکت ایتسون  
 هیچ اولمازسه بش میلیونق برتصرف ایتش اولام .  
 هیئت علیه کز بوقراری قبول ایتشدر . یوقسه هر هانکی  
 برمدیرك ا کسسیکلکی ویا زیاده لکی کبی مسؤل معلوم  
 احسانکنز تشکیلاته تعلق ایدر . تشکیلات تحلیق برعلم  
 اولدیغی وایجاب واحتیاج مسئله سی احواله کوره متبدل  
 اولدیغی جهته، او بنده کزجه تالی و اوچنجی درجه ده  
 مسئله در .

بصری بك (قره سی) — قراری بوزدیرمق ایچون  
 هیئت جلیله یه تکرار برقرار ویردیرمک لازمدر .

صلاح الدین بك (مرسین) — اوت افندم! عرض  
 ایدم جکم . شمدی افندم ایکنجی مسئله اوزمان هیئت  
 جلیله کزه بوقرار تقدیم ایدلکی زمان داخله وحقی  
 ژاندارمه بودجه لری تدقیق اولمشدی . ودوائر سائرده  
 کچیلوردی . تصرفات خصوصنده انجمن مساعیدنک هیئت  
 علیه کزجه مقبولیتنی تأمیناً ایضاحاتده بولندی واز جمله  
 دیدی که : داخله دن اداره ولایاتی ، امور محلیه ولایاتی،  
 سجلی وسائرہ نی قالدیردق . شوقدر تصرف یابدق و  
 هیئت جلیله کز بوکا خواهش کوستردی . وهیئت علیه کز  
 بونی آرزو ایله قارشیلادی ، عطا بکک مطالعاتی مظهر  
 تصویب اوله مادی . برآز ژاندارمه بودجه سنی بتقیص  
 ایتش ایدک فقط؛ افراد عددندن دکل ، تقیصات حقیقتده  
 اولنرک کوسترمش اولدیغی برطاقم فضلہ لقلردن ایدی که :

حقیقتده موجود دکل ایدی، عطا بک اونی قبول ایتدی .  
 بوصورنله بز ژاندارمه بودجه سندن طقوز یوزبیک لیرا  
 تصرف اجرا ایتش ایدک . بناء علیه؛ عطا بک کز  
 ژاندارمه قوتنک تزییدی وکرتک تشکیلات ملکیه ده  
 کندینه لازم اولدیغنی بیان بووردیغی برطاقم مطالعات،  
 اساس اعتباریله نظر مطالعه یه آلمادی . هیئت علیه  
 متوازن بر بودجه ایتسوردی . بناء علیه انجمنک مقرراتی  
 مرعی ایدی . ایشته مسئله نك اصلی بودر ، بو اساس  
 قبول ایدلی و بزده ایشه باشلادق .

کله لم داخله ده یاپیلان بوتعدیلاتک اساسنه : قیصه جه  
 عرض ایدم جکم . انجمنک ایلک مذاکره ایتدیکی داخله  
 بودجه سی اولدی وبالطبع خدمات عمومیه ده اشاعی  
 یوقاری اون ، اون بش میلیون لیرا برتصرف تأمین  
 مقصدیله یاپلمشدی . و بودجه دن اداره عمومیه ولایات ،  
 اداره خصوصیه ولایات مدیریترینک قالدیرلمی مسئله سی  
 انجمنده دورودراز مذاکره اولندی ؛ همان یاری یاری یه  
 قالمشدی . و خاطر مدده قالدیغنه کوره برویا ایکی اکثریتله  
 آنجق بوکا قرار ویرلدی .

بصری بك (قره سی) — انجمنده دکل افندم ؟  
 صلاح الدین بك (مرسین) — بونک اوزرینه کندی  
 آره مزده مسئله تثبیت ایدلدی ، بو طرزده اداره امور  
 ایدیله میه جکنی داخله وکیل سویله مش وجلسه قیامشدی .  
 فقط ؛ بالآخره واقع اولان جلسه لرده بو موضوع بحث  
 اولمشدی . داخله نك او کونلرده واقع اولان مکرر  
 مراجعتلری اوزرینه بو مدیریترک تکرار اجداشته  
 انجمنک صلاحیتی وارمی ، یوقمی دینیلدی ؛ هر حالده  
 نصابی موجود اولان انجمن ؛ بر مذاکره سنده اکثریتله  
 انجمنک بو خصوصده حتی اولدیغنه قانع اولدی واداره  
 دولتی بوزمق مطلوب اولمدیغندن ، بالخاصه هیئت جلیله کزجه  
 اداره دولتی یورور وایش چیقاریر برحاله قویمق مطلوب  
 اولدیغندن ، کندیسنه ویریلن حق واعتماد داخلنده بو  
 مسئله نك کندی وظیفه سی داخلنده اولدیغنه قانع اوله رق ؛  
 اکثریتله بوکا قرار ویردی . وایرتسی کونکی اجتماعده  
 بو مسئله قبول ایدلدی ، یعنی جریان وشکل مذاکره

بودر . مجلسك قراری انجمنك شو مضبطه لرده موجود اولان و ذكر ايديلن خصوصاته يعني تصرفات خصوصتك مقبول اولديغنه عائد ايدي . انجمنك وظيفه سي بر آدمك معاشنك ۵۰ ويا ۶۰ ليرا اولسي ويا مخصصاتك بر برينه نفتي ويا ضمندن عبارت دكلدی . واکر بويله بر قناعت انجمنده بولنسه ايدي ، هيئت عليه كزه شبهه سز كله جاك ايدي . شمدي بو مأموريتلر ( ۳۸ ) بودجه سنده حضور عليكنز ددر ، آره يرده بر فرق و ارمي ؟ بوو تقيح ايديلني ايضا ايتمش اولمقدن متولد بر خسار و ارسه بو مصرفي انجمنني تشكيل ايدين ذوات بر سنه لك مخصصاتيله تضمين ايدرسه و بوكا مع المنويه حاضر در . يالكنز مسأليني مناقشه ايده جكنز .

لطفی بك ( ملاطيه ) — ماليه وكيلى نلندن بر سؤالم وار . شمدي هيئت مرخصه نك هر اعضاسنه يومي بوز يكر ميشر ليرا ويريورز ( نه مناسبتى وار سوزلرى ) مصطفی بك ( سيوهرك ) — بش ميلون بر آوانس ويريورز . آوانس ايله علاقه داردر اقدم .

ماليه وكيلى حسن بك — خاير او آرى قانونه در . لطفی بك ( ملاطيه ) — وپهرينه بوز يكر ميشر ليرا يوز انكيز نيراسي ده البسه پازه سي ويريورز كه : بو بزم پاره ايله طقوز بوز ليرا ايدر . بونلرى نه ايله ويريورز ؟ و نه ايچون ويريورز ؟ وهانكي قرارله ، نه ديه وپريور ؟ وكيه ك امريله ويريورز ؟ كچن سنه كيدن هيئته بو سنه ويريان مقدارك نصفى ويريور ايديك . ( كچن سنه ده آلديلر سسلرى ) .

ماليه وكيلى حسن بك — رجا ايدر . بو سؤالكنزى يالكنز بنده كزمه توجه ايتمكله خطا بو يوردى كز . لطفی بك ( ملاطيه ) — خاير ! اموال دولتك محافظه سنى سزدن بگليورز . اكر ايتيه جك ايسه كز بشقه سي كلسون ، محافظه ايتسون اقدم !

ماليه وكيلى حسن بك — بن اونى هر زمان محافظه ايديورم . بو يوردى كز زمانده ، هر زمان حسابه حاضرز بك اقدى !

لطفی بك ( ملاطيه ) — خطايى سن ياپيورسك ، خطا نه ديه كدر ؟

ماليه وكيلى حسن بك — بو آوانسله علاقه دار دكل . لطفی بك ( ملاطيه ) — وظيفه كي بيلمديك ، يابه مدك . ماليه وكيلى حسن بك — وظيفه مي ياپدم . يوسف ضيا بك ( بتليس ) — بر مېوئه خطا ايتديك ديه مز اقدم . كبرى آسون ...

ماليه وكيلى حسن بك . تشريف ايتديك ، سز ياك . رئيس — اقدم ! خطا دائما واقع اولور .

لطفی بك ( ملاطيه ) — نه صورتله خطا ايتديك ديور . كبرى آسون سوزيني اقدم . خطا ايتديك ديمكه حقكيز يوقدر . خطايى سز ايديورسكيز

رئيس — رجا ايدر . سكوت ايتديك . سؤالكنزى جديتدن چيتارمايت لطفی بك .

ماليه وكيلى حسن بك — خطا كله سي تلفظى جايز اوليان بر لفظ دكل .

لطفی بك ( ملاطيه ) — خير جايز اوليان بر لفظدر . چونكه : مصلحته معطوف اولارق سويله يورسكيز .

ماليه وكيلى حسن بك — هيئته ويريان تخصيصات آريجه بر قانونه مستددر . اونك ايچون آوانس ايسسته يوب و آوانسله پاره آلوب بورايه صرف ايده جك دكل .

لطفی بك ( ملاطيه ) — اوده خدمات عموميه دولت معطوفدر . بونك ايچون ده مي بر بودجه قبول ايده جكنز ؟

ماليه وكيلى حسن بك — اونك ايچون آرى بر ماده قانونيه قبول بيوردى كز ، موضوعات قانونيه مز دندر كه :

ممالك اجنبيه هر هانكي بر صورتله و هر هانكي بروظيفه ايله كوندريله جك اولان هيئتله مآه و زلره اونلرك در عهده ايتديكلى وظيفه نك ايچابنه و موقع اجتماعيلرينك و بو مملكتك شرائطنه كوره و يرلسى لازمك مصارف حقيقه نك مقدارى يالكنز بويله بر وكيك فكر و قناعتيله تعيين ايدلمز . بزتون هيئت جليله كزك وظيفه اجراييه سنى وكاله توديع بو يوردى كز هيئت قراريله اتخاذا ايديلور ، قرارنامه ايله اجرا ايديلور ، اولجه كيدن و بودفعه كوندريلن هيئته ويرلمش اولان و ويرلسى تقرر ايدن خر جراه ويوميه لرك مقدارى ده ؛ احكام قانونيه دائره سنده ، هيئت وكيه كزك مجتمعا اتخاذا ايتديكلى قراره مستددر .

ریاست جلیلهیه

اوجنچی مادهده طلب ایدیان بش میلیون لیرا بر حساب تیجسنی کلمه مشدر . یدی کون ایچون بو قدر پاره ویرمک دوغرو اولدیغندن مادهدن بش میلیون لیرانک طی ایدلمسنی تکلیف ایلرم . ارضروم عاصم

ریاست جلیلهیه

اوجنچی مادهده ( موقع تطبیقه وضع ایدیلن اساسات داخلنده ) فقره سندن صوکره ( ۳۳۶ سنه سی معاشاتی تجاوز ایتمه مک شرطیه ) عباره سنک علاوه سنی تکلیف ایلرم . مرسین صلاح الدین

لطیف بک ( ملاطیه ) — سنه نهایت بولمشدر ، حساب قطعی ایله قارشومزه کلدیگز .

مالیه و کیلی حسن بک ( طربزون ) — نه دیمک ایسته یورلر سه آکلایه لم . مسئله بویله حل ایدیلور . بن عرض ایتدم که : شمدی یه قدر بنده کزه ویردیگنر ۲۰ میلیون لیرادر . و شمدی ویره جگنر پاره ، ایفایدیله جک خدمات ایچون ایسته نلیور ، بوفنگر یا کاشدر .

لطیف بک ( ملاطیه ) — شمدی یه قدر نه دن حسابی ویرمدک ؟

مالیه و کیلی حسن بک ( دوامله ) — بنده کزه صرفیتمی ، هیئت علیه کزک قراری موجنبجه تطبیق ایدیورم . ویدیورم که : صوگ آیدرک معاش حواله لرینی دخی ویره مدم . چونکه : هیئت علیه کز ۳۲ میلیون برینه ۲۰ میلیون ویردیگز .

لطیف بک ( ملاطیه ) — مصرف تحقق ایتدیمی ؟ حسن بک ( دوامله ) — خدمت ده ، مصرف ده

تحقق ایتدی . فقط ؛ حواله سنی ویره مدمک . مصارف محققه بی نه ایچون بویله ۷ کونه عا ئدردیه تاقی ایدیورسکزه ؛ بوفنگرک سهو اولدیغنی عرض ایدرم .

ریاست جلیلهیه

بش میلیون آوانس فضله دره . بونک اوج میلیونه تزیلانی تکلیف ایلرم . بولی

شکری

بناء علیه ؛ بنده کزه بوکامفرداً جواب ویرمکده معذورم . لطیف بک ( ملاطیه ) — کچن سنه کیدن هیئته بونک نصی ویرلشدی . نه دن بوسنه بو قدر فضله ویرلدی ؟ صالح افندی ( ارضروم ) — افندم ! بر مأموره قاج غروش ویرمک ایجاب ایدر سه قانون بونی کوستیر . رئیس — افندم ! مذا کره کافی کورولدی . سوز ویرمه یورم آرتق . . .

جیل بک ( کوتاهیه ) — بونی بویوک مدت مجلسی کندی حسابنه قبول ایتمز . بویله بول ، بول پاره ییدیورمک دوغرو دکل . . .

رئیس — جیل بک ! سوز ویرمه یورم ، مذا کره کافی کورولدی ، بن دیکله میورم افندم ! سنی ؛ سکوته دعوت ایدیورم ! افندم ! ماده یه دائر تصحیح تقریر لری وار . اونلری اوقویورز .

ریاست جلیلهیه

مذا کره کافیدر . اوجنچی ماده نک صوگ فقره سنه شباط غایه سنه قدر جمله سندن صکره تحقق ایدمک مصارفه قارشولق اولق اوزره بش میلیون لیرانک علاوه سی طرزنده ماده نک تصحیح و قبولی تکلیف ایلرم .

بایزید شوکت

توفیق رشدی بک ( منتشا ) — بونی انجمن ده قبول ایدیور .

رئیس — افندم ! بوتقریری انجمن ده قبول ایدیور . اونک ایچون رایه وضع ایتمه کزوم کورمه یورم .

ریاست جلیلهیه

بودجه الحاله هذه تصدیقه اقتران ایتدیگندن ۱۳۳۷ سنه سی قادر ولزنده سنه مز بوره مارتندن جزیر ان نهایته قدرکی قادرولره نسبتاً فضله اولان ضامنک سنه نک صوگ آبی دخی کچمش اولق اعتباریه ، بهوده اوله رق ویرلما سنک تحت قراره اخذینی تکلیف ایلرم .

موش احمد حدی

رئیس - افندم ؟ بر، هیچ آوانس ویر میهلم تکلیفی وار . برده ایسته نین آوانسی تزیل ایدلم تکلیفی وار . هیچ آوانس ویر میهلم تکلیفی دایه وضع ایدیورم . آوانسک ویر نامسنی قبول ایدنلر اللری قالدیرسونلر ! ( بو تکلیف رد ایدلشدر )

- بولی مبعوثی شکری بک بش میلیون لیرا آوانسک ۳ مایون لیرایه تزیلی تکلیف ایدیورم .

توفیق رشدی بک ( منتشا ) - افندم ! آوافسلرده کی حسابات او قری تخمیندرکه : بویله اوج میلیون ، بش میلیون دیه بر قضایت اوله ماز .

رئیس - افندم ! شکری بک تکلیفی وجهله آوانسک ۳ میلیون لیرا اوله رق، ویرلشنی قبول ایدنلر اللری قالدیر - سونلر ! ( قبول ایدلمه مشدر )

شمدی صلاح الدین بکک تعدیلنامه سی قالدی . حاجی احمد افندی بک تعدیلنامه سی ده صلاح الدین بکککنه قیندر ! و آرده کی فرق بر قالدرو فر قیدر .

- صلاح الدین بک « اوجنجی ماده ده کی وضع اولنان اسامات داخلنده » فقره سندن صوگره « ۳۳۶ سنه سی معاشاتی تجاوز ایتمه مک اوزره » قیدینک علاوه سنی تکلیف ایدیورلر .

• مالیه وکیلی حسن بک - یگون اعتباریه می ؟ اونی صور من ایسترم .

صلاح الدین بک ( مرسین ) - بر فصلک بر ماده نیک مقداری ، او فصل و ماده لره بگونلری تجاوز ایتمه مک شرطیله ، مالیه وکیلی حسن بک - بکی ! قبول ایتم اونی .. رئیس - صلاح الدین بک تکلیفی و مالیه وکیلی بکک قبولی ... ( کورولتیلر )

مصطفی کمال بک ( ارطغرل ) - مالیه وکیلی مسئله یی آکلامه دن قبول ایتمدی . صلاح الدین بک ۳۳۶ سنه سنده کی قالدرو مقداری تجاوز ایتمه مک اوزره بویور بیور . ذات طایکیز ۳۳۶ سنه سی قالدرو سنی ۳۳۷ ده ده تطبیقی ایدم جکسکنز ؟

مالیه وکیلی بک - افندم ! بن صلاح الدین بکدن صوردم . اوده ..

صلاح الدین بک ( مرسین ) - مساعده بویور میسکنز ؟ افندم ! بنده کزک تقرریمده کی اساس مقصد ، هیچ بر کیمسه نیک ۳۳۷ سنه سنده ، ۳۳۶ سنه سنده کی معاشی تجاوز ایتمک اوزره ، معاش آلامه سی ایدی . هیئت جلیله کز بونی قبول ایتمسه فصل و ماده بکوتی ده قبول ایدرم .

مالیه وکیلی حسن بک - فصل و ماده بکوتی بنده قبول ایدیورم . اوبری اوله ماز ؛ ۱۸ حزیران تاریخی قرار بکزه مخالفدر .

سلیمان سرری بک ( یوزغاد ) - رئیس بک ! مساعده بویور میسکنز ؟

رئیس - سوز یوقدر افندم . سلیمان سرری بک - سوز یوق دیورسکنز . فقط ؛ مقصد آکلا شیلیمور افندم . صلاح الدین بک تقررینی ایضاح ایسون .

صلاح الدین بک ( مرسین ) - افندم ! بنده کزک عرض ایتمیکم شی علاوه لاطلاقدر . ۳۳۷ سنه سنده خدمات دولتدن معاش آلان ذواتک ۳۳۶ سنه سنده کی محصص اولان معاشلرینی ۳۳۷ ده ده آلهری قانوناً تزیل ایدن مقدار تزیل قبوله متوقف اولدینلر ایچون ، مقدار تزیل علی الاطلاق قبول ایدلمه سی طرفداریم . شاید بوجهی هیئت علیه کز قبول ایتمه مک ایسترسه او وقت ماده اوزرنده کی مقداری تجاوز ایتمیرمه مک بن راضی اولورم .

مالیه وکیلی حسن بک - افندم ! ۱۸ حزیران تاریخی قرار من موقع تطبیقه قونمشدر . بناء علیه ؛ اوندن رجوع ایدمه یز .

بصری بک ( قره سی ) - قرار اجرا ایدلمه مشدر . حسن بک دوامله - اجرا ایدلمه مشدر دکله ، اجرا ایدیلن قسملرده واردر و قراری تطبیق ویردیکنز صلاحیه مستندهز . اونی کیری آلامازسکنز .

توفیق رشدی بک ( منتشا ) - آرقداشلر اشمدی ویره جکمز هر هانکی برقرار مرعی الاجرادر . آتشیق بو تاریخندن اعتباراً ... فقط ؛ بکوتی قدر کفاران ایدن مدت ایچون ۱۸ حزیران .

رئیس - اقدام! صلاح‌الدین بك افنديك تقريری عیناً رأیه قویورم .

صلاح‌الدین بك (مرسین) - رئیس بك افندی! بر کله ده‌ها سویلیهیم ، ذهبلرده تردد وشبهه قالماسون... مجلس عالیك تصویبینه اقران ایتمش قرار لر بوندن خارجدر . تکلیفم مجلس عالیك قرار ویرمدیکی خصوصاته‌انددر . صالح افندی (ارضروم) - صلاح‌الدین بكك بو مضبوطه امضاسی وار . هم بو مضبوطه امضاسی اولسون ، همده تکرار تعدیل تقریرلری ویرسون! بو ناصل اولور؟ ایش قاریشور..

توفیق رشدی بك (منتشا) - اقدام! مساعده ایدیکیز، ایضاح ایدیم : انجمنده بو مسئله موضوع بحث اولدی . انجمنده مالیه وکیلی ، بزه مجلس طرفندن مأمورینه تبایع ایدیلن ۱۸ حزران تاریخی قراری کوستردی . او قرارده قادرو احکامک اجراسنه آمر اولدیقندن ، صلاح‌الدین بك افندی بو مسئله بی مجلس هیئت عمومیه‌سنده موضوع بحث ایده‌جکینی بیان ایتدی و بو کلن لایحه قانونیه‌ك آنته امضا ایتدی .

سلیمان سری بك (یوزغاد) - اقدام؟ صلاح‌الدین بکدن بر شی صوره جقم . رئیس - سوز یوق! اقدام .

سلیمان سری بك (یوزغاد) - ۳۳۹ سنه‌سنده دوت صنف قائم مقام وارمش . بونلر اعاده می ایدیله‌جک؟ رئیس - سوز یوق ..

اقدام! صلاح‌الدین بكك تکلیفی عیناً رأیه قویورم : (موقع تطبیقه وضع ایدیلن اساسات) فقره سندن صکره (۳۳۹ سنه‌سنده کی معاشاتی تجاوز ایتمه‌ك شرطیله) عباره سنك علاوه‌سنی قبول ایدنلر اللریخی قالدیرسونلر ! (اکثریتله قبول ایدلشددر اقدام) (رد، رد سسلری) (کورولتیلر) اقدام! مساعده بویوروك! ماده‌ك شكلی مصححینی اوقویوروز :

ماده (۳) - موازنه مالیه انجمنی طرفندن مصرف بودجه لرینك اثنای تدقیقنده تثبیت ایدیلوب ۱۸ حزران ۳۳۷ تاریخی هیئت عمومیه قراری موجبجه تموز ۳۳۷ دن

اعتباراً موقع تطبیقه وضع ایدیلن اساسات داخلنده ۳۳۹ سنه‌سی معاشاتی تجاوز ایتمه‌ك شرطیله ، صرفیات اجرا ایدلک ومدافعه ملیه دن ماعدا خدمات عمومیه دوات ایچون قارشولوق اوله‌رق ، تواریح مختلفه ده اعطا اولنان یکریمی میلیون لیرا آوانسه شباط غایه‌سنه قدر تحقق ایده‌جک مصارف قارشولانی اولوق اوزره بش میلیون لیرا ده‌ها علاوه اولمشدر .

رئیس - اقدام! ماده مصححینی قبول ایدنلر اللریخی قالدیرسونلر ! (قبول ایدلشددر) بش دقیقه تنفس

۳۰۰ صکره ده برنجی جلسه یه نهایت ویرلدی  
ایکنجی جلسه خفیدر

یوز آلتش اوچنجی اجتماع - اوچنجی جلسه  
رئیس - برنجی رئیس وکیلی موسی کاظم افندی حضرتلری  
کاتب - فیاض عالی بك (یوزغاد)

۲۱ - شباط - ۳۳۸ صالی ساعت ۰۳:۳۰ صکره  
رئیس - اقدام! مدافعه ملیه وکلتنک ایسته‌دیکی اون  
مليون لیرا آوانس ایچون ۳۳۷ موازنه لایحه‌سنده بر ماده وار . اونی مذاکره ایده‌جکر .

ماده ۴ - مدافعه ملیه وکلتنی ایچون ۲ نیشان  
۳۳۷ تاریخی قانونه قبول ایدیلن ۴۴,۱۶۰,۰۰۸ لیرایه  
منحصراً شباط غایه‌سنه قدر تحقق ایده‌جک خدمات  
عسکریه دن ۳,۶۰۰,۰۰۰ ی معاش ، ۶,۴۰۰,۰۰۰ ی سفر  
برلك فصلنه مخصوص اولوق اوزره ۱۰,۰۰۰,۰۰۰ لیرا  
علاوه ایدلشددر .

رئیس - سوز ایستین وارمی؟ (خایر سسلری)  
دردنجی ماده‌نی قبول ایدنلر لطفاً اللریخی قالدیرسون!  
(قبول ایدلشددر)  
اقدام! بش میلیون لیرالق دیگر بقانون وارددر . اونی  
مذاکره ایده‌جکر .

۱۳۳۸ سنه‌سی املاک و تنوع ویر کورلیله اغنام و سمنك  
و حرب قز انجلیری ویر کوسنك صورت تحصیلنه دائر  
قانون

ماده ۱ - قوانین مخصوصنه توفیقاً معین تقاسیطده

استیفا ایدلیکده اولان املاک و تمتع ویرکولریه اغنام رسمی و کسورات منضمه لری ۱۳۳۸ سنه سنه مخصوص اولمق اوزره سنه مذکوره مارتندن اعتباراً دفعه تحصیل اولنور . .

ماده ۲ — ۲۵ تشرین اول ۳۳۶ تاریخی قانون ایله قبول اولنان حرب قز انجلیری ویرکوسندن تحقق ایدن مقادیر دخی برنجی ماده وجهله دفعه تحصیل اولنور .  
ماده ۳ — اشبو قانون ۱۳۳۸ سنه مارتنک برنجی کوسندن معتبردر .

ماده ۴ — اشبو قانونک اجراسنه مالیه وکیلی مأموردر .

مصطفی کمال بک (ارطغرل) — کسورات منضمه محالنه عائددر . بناء علیه؛ طینی تکلیف ایدرم .

حسن فهمی بک (کوشخانه) — اقدام کسورات منضمه نك بوقانونده تحصیلنه مساعده ایتمک دیمک صرفه مالیه، اذونیت ویرمک دیمک دکلدر . کسورات منضمه، قانون مخصوصی موجبنه، یعنی اداره عمومیه ولایت قانونی موجبنه، اداره خصوصیه لره عائددر . مالیه وکالتی هیچ برسبب و بهانه ایله بویارمندن برپاره صرفه مأذون دکلدر . ظن ایدرم، بحاجاس عالی ده بنده کزله همفکردر .  
توفیق رشدی بک (منتشا) — اقدام ا ذاتاً کسورات منضمه لری مالیه وکالتی محالنه براقعه قانوناً مجبوردر .

مالیه وکیلی حسن بک — بویله دکل اقدام ! عرض ایدیم . اقدام کسورات منضمه نی عیناً چیقاروب ویره جک دکل . قانون بویله دکل . ۳۳۸ سنه سنه ۳۷ سنه سی طرفنده اداره خصوصیه لره عائد واردادن اولمق اوزره کسورات منضمه دن نه تحصیل ایتمش ایسه اونک یکنونه معادل ۳۸ بودجه مده اداره خصوصیه لر عائداتی دیه بر فصل مخصوص وارددر . او فصل مخصوصدن ویریم . قانون بویله در . احکام قانونیه بودر . بن ذاتاً ییدیکم یوقدر . بورجم بودر . بشقه بورجم یوقدر . شمده بوراده کی ایسته دیکم مأذونیت اداره خصوصیه لره عائد فصلدن تسویه مجبوریتنده بولندیغ مصارفی ویرمیه جکم،

معناسی تضمن ایتمز .

مصطفی کمال بک (ارطغرل) — ناهوقت ویره جکسکرز؟ مالیه وکیلی حسن بک — سنه سی طرفنده .

مصطفی کمال بک (ارطغرل) — تحصیل ایتدیکنز مدت طرفنده ویره جک ایسه کز اونی شی ایدم .

مالیه وکیلی حسن بک — اقدام مساعده بویوریکز؛ کسورات منضمه نی نیم تحصیلدارلرم عیناً تحصیل ایدرلر .

تحصیلدارلرم تکالیفی تحصیل ایدرکن، دیکری طورسون! بونی صکره کلوب اله جفم دیمز . بو دوغری دکل . بونک امکانی یوقدر . اصلی تحصیل ایدیلرکن، اداره خصوصیه لره قارشولنی اولان کسورات منضمه ده تحصیل ایدیلر .

(کورولتیلر) کسورات منضمه حدذاتنده قانوناً نیم بودجه مک قارشولنی دکل، فصل مخصوصده کی تخصیصاتک قارشولغیدر . اونی ده برابر تحصیل ایدرم . فقط؛ اداره خصوصیه لره برشی ویرمیه جکم کی، قانونده بویله برشی یوقدر . حسن فهمی بک (کوشخانه) — حسن بک اقتدی

یا کاش سویلورلر . برشیده لادانیورلر . ایضاح ایدیم . اقدام معلوم عالی کز املاکدن، اغنامدن، اراضیدن، تمسکدن حاصل اولان کسورات منضمه ، یعنی اداره ولایات محلیه حصه لری حین تحصیللرنده ارسالیه ایله برار آریجه دوغریدن دوغری به اداره خصوصیه سندوقلرینه کوندریلور . یالکز سنه مالیه بودجه سنده برسنه طرفنده تحقق ایدجک مقداردن سنه آیه بودجه سنه علاوه ایدیلرک، اداره خصوصیه لره مالیه نك تسویه ایدم چکی پاره اعشاردن اداره خصوصیه به تعلق ایدن مقداردر . اعشارده بوقانونده موضوع بحث دکلدر . بوقانونده موضوع بحث اولان ویرکولرک کسورات منضمه سی مالیه بودجه سنه ایراد قید ایدلمز . بناء علیه ؛ قانونده بویله برقید یوقدر . تحصیلی حالده دوغریدن دوغری به ارسالیه ایله برار مال سندوقلرینه کیتمایدر . . . .

مالیه وکیلی حسن بک — مطابق اقدام . حسن فهمی بک (کوشخانه) — مالیه وکیلی حسن بکک بحث ایتدیکی اعشارک بوقانونده ری یوقدر . مالیه وکیلی حسن بک — اقدام مطابق . بشقه برمشله یوق . (مذاکره کافی صدالری)



علی سروری افندی (قره حصار شرقی) — اقدام!  
 حسن بك ایله مالیه وکیلی بك آره سنده کی اختلاف شودر:  
 حسن بك افندی دیمك ایستورلرکه : شوماده قانونیله  
 مسته جلا تحصیل تکلیف اولنان تکالیفدن اداره خصوصیه لره  
 عائد اولان کسورات منضمه جهت مالیه جه هیچ بریره  
 صرف ایده سون. عائد اولدقلری اداره خصوصیه لره  
 ویرلسون. بونک مادی نتیجه سی بو . مالیه وکیلی بك  
 افندی ده دوندیروب طولاشدیروب اقدام! بن بونی تحصیل  
 ایدرم. فقط بنم ذمته کچمش اولور . بونی بن عینا ویرمه  
 مجبور دکلم . سنه نك صوك آیلرنده یعنی مالیه نك سه  
 حالده بو پارینی ویریرم . دیور . نتیجه ده هانکی شق  
 قبول ایدیلیور سه جهت تصریح ایدیلور . ایکی کله  
 مسئله بودر .

وهی بك ( معارف وکیلی ) — اقدام، کسورات  
 منضمه نك یکیدن تحصیلی ویکیدن اداره خصوصیه  
 ایراد قیدایدلمک اوزره تسلیمی اقتضا ایدر . یوقسه،  
 کسورات منضمه نك بو سنه تحقیقیله کله جک سنه بودجه  
 قونان قسم اعشاره عائد قسمدر . بونکله هیچ علاقیمی  
 یوقدر . وموضوع بحث دکلد . اونک حقنه آریجه  
 بر تکلیف وارد . اولجه اولدیچی کی دوغریدن دوغری به،  
 زراعت باقهلرینه ویرلمی ایچون مالیه ایله هیچ علاقیمی  
 قاله سون . بو کسورات منضمه دوغریدن دوغری به  
 ویکیدن تحصیل ایدیله بیلیر . فقط؛ دوغریدن دوغری به  
 اداره خصوصیه لره ویرلمی اقتضا ایدر .  
 مالیه وکیلی حسن بك — بوپاره زراعت باقهلرینه  
 یاتار . قانون بویله در . صریحدر .

توفیق رشدی بك ( منشا ) — هیئت جلیله به بو  
 نقطه بی عرض ایتمک ایسته یورم که : بوتون اجرا وکیلرینک  
 هیئت عمومی سنه تعلق ایدن بو کی خصوصانده یعنی  
 ویرکولرک هانکی بر سبب عسکری آئنده ویا خود مملکتک  
 حیاته تعلق ایدن بر مسئله ده ویا هیئت وکیله نك هیئت  
 عمومی سنه تعلق ایدن بر خصوصه وارد اوله حق تکلیف  
 انجمنه بر لکده مذاکره اولورکن، اول امرده وکیلارک  
 آره لرنده آکلاشوب بو قانونک بو ماده نك متنه ویا روحنه

دکلده اجراسنه تعلق ایدن خصوصلری آره لرنده تنیت  
 ایتملری لازم کلیر بناء علیه ؛ برچوق خصوصانه تحمل  
 ایدرنک صرف موقیعت عسکریه ، وظیفه نهائی امل و  
 هوسیه حکومته تسهیلات کوسستروب دورورکن  
 اجرا وکیلارخی بوزاده، بری برینه مابین قید و شرط ذکر  
 وایان ایدن فکرده کورمک ایسته میز .

حسن بك ( مالیه وکیلی ) — بویله بر شی یوقدر  
 اقدام .  
 رئیس — باشقه سوز آلان یوق؛ تعدیلده یوقدر .  
 ماده بی رأیه قویورم . ماده بی قبول ایدنر لطفاً ال  
 قالدیرسون !

سروری افندی ( قره حصار شرقی ) — اختلاف  
 حل ایده مشدر . ( یوقدر سسلری )

حسن فهیمی بك ( کوشخانه ) — اقدام! ماده ده  
 تعدیلات تکلیف ایتمدم . بنده کز مالیه وکیلک لسانندن  
 ایشتیمک ایسترم . اداره خصوصیه لره عائد اولان پارندن  
 صرفه مأذونیتی یوقدر . قانون بونی تأمین ایتمشدر .  
 بنده کز کی بر تمیدن عبارتدر . مجلس عالی نك اظهار  
 ایستدیکی تظاهرات بنده کز چه کافیدر . ( دوغری،  
 دوغری سسلری )

مالیه وکیلی حسن بك — اقدام صوك لاف اولمق  
 اوزره ؛ تعدیلا قبولی امر یووردیغکنز ماده ده کسورات  
 منضمه نك صرفه قانونک مأذونیت ویردیکنی بن آکلا -  
 میورم . بکا بویله مأذونیت ویرلدیکنی آکلامیورم . بو  
 قانون کسورات منضمه نك خدمات عمومی ده صرفی دیه  
 بر صلاحیت ویرمه مشدر . آکلامیورم بونی . .

رئیس — اقدام ماده توضح ایتمشدر . اختلاف ده  
 یوقدر . حسن فهیمی بك تکلیفی مالیه وکیلی بك ده  
 قبول ایدیور . ضبطه کچمی کافیدر .  
 سلیمان سری بك ( یوزغاد ) — بو باده مجلسک  
 اولجه قواری ده وار .

عبدالغفور افندی ( قره سی ) — گرچه بو قانون  
 مالیه وکیلی حسن بك دیدیکی کی کسورات منضمه بی  
 صرفه مأذونیت ویرمزسه ده تحصیل ایستدیکی وقت بو

پاره‌ی اداره خصوصیه کونی کونه تسویه ایده جگنه سوز ویرسونلر . تاخیر ایدیورلر .

مالیه وکیلی حسن بك — اوپاره‌ی عیناً ویره جگم . بونی صراحة افاده ایندم . فقط؛ اداره خصوصیه لرک بش غروش وارداتی وارایکن ، اون بش غروشلق معلم استخدام ایدرلر سه بنم کنه یلرینه ویره جگ برپاره م یوقدر .

عدنان بك (استانبول) — رجا ایدرم ! بو آری بر مسئله در . بونی نه ایچون قاریشدیوروز ؟

نییل افندی (قره حصار) — مسئله وار افندم . مالیه وکیلی بك دیورکه : بش غروش صرفی لازم کلیرکن ، اون بش غروش صرف ایدرسه پاره ویرم کلکه مجبور دگم . حالبوکه ویره جکلری پاره اموال عمومیه دن دکلدر . اداره خصوصیه دن کندینه مخصوص و مختص اولان پاره‌ی ویرمکه مجبوردر . قاچ غروش اولورسه ارلسون ، اون ویرمکه مجبوردر . بز اون ایستیوروز .

سلیمان سری بك (یوزغاد) — آرقداشلر من طرفندن اولجه بر تکلیف یاپیلدی .

معارف وکیلی وهی بك (قره سی) — افندم ! رجا ایدرم ! وکیل بك هر حالده سرچ لسان ایله سوویه مش اوله جقلدر . اساساً کندیلری ده معلم لرلر . بش غروشلق معلمی اون بش غروشله استخدام ایدیورلر ، دیدیلر . نه بش غروشلق معلم واردر ، نه ده اون بش غروشلق واردر . بونده هر حالده سرچ لسان واردر .

مالیه وکیلی حسن بك (طریزون) — « وارداتی بش غروش ایلن ، اون بش غروش صرف ایدیورم دیدم . اوله یا کلش آکلاشماسون .

معارف وکیلی وهی بك (قره سی) — اداره خصوصیه لرک بر مجلس عمومیلری واردر . اونلر کندی کندی یلرینه قانون دائره سنده مصرفلری تئیت ایدرلر ، یا لکزم مقصد اداره خصوصیه نك وارداتی لیت لعله دوشورمه سون (دوغری ، دوغری صدالری)

سلیمان سری بك (یوزغادن) — اکر بو مملکتده بو مجلس ، اداره محلیه تأسیسی ایسته یورسه بونی یابه جقدر . مالیه وکیلی حسن بك — بر آن اول نواحی قانونی چیقاردم

سلیمان سری بك (یوزغاد) — اولجه مجلس عالی به بر تکلیف واقع اولدی . آرقداشلر مزندن بری طرفندن ؛ دیدیلر که : « اداره خصوصیه وارداتی : کندی خصوصی تحصیلدارلری معرفتیه تحصیل ایلسون » بو تکلیف داخلیه انجمنده قبول ایلدی . یا لکز دنیلدی که : « اموال عمومیه میانندن تحصیلات وقوع بولدیجه در حال اداره خصوصیه لره تسلیم ایلسون ، مالیه وکیلی بو خصوصیه مجبور اولسون » مجلس اون اولجه با قرار قبول ایتمدی . شمدی بو اون تائید ایتمش اولیور .

مالیه وکیلی حسن بك — افندم ! بونی فعلاً یاپدیق . تحسین بك (آیدین) — بوراده شایان دقت بر مسئله واردر .

علی سروری افندی (قره حصار شرقی) — اختلاف حسینتی احسن صورتده حل ایچون بر قره علاوه سی لازمدر . اداره خصوصیه لره عائد اولان حصه لر محملرینه ویریلر . بو اوفاجق فقره یی اسیرکه میلم . (نرومی یوقدر صدالری) (کورولتیلر) .

تحسین بك (آیدین) — مالیه بر سنه ظرفنده وقوع بولان وارداتک یکو تنی ایرتسی سنه زراعت باقیه لرینه تسلیم ایدر (او اعشاره عائد صدالری)

رئیس — افندم ! مسئله تنور ایتمدی . مالیه وکیلی دیورکه : تحصیل اییلن پاره دن خدمات خصوصیه عائد اولان پاره نك خدمات عمومیه صرف ایلمه سی قانوننده مثبت و معیندر . معارف وکیلی ده بونی ایسته یور . معارف وکیلی وهی بك (قره سی) — رجا ایدرم ،

مساعده ایدرسه کز برکله علاوه ایده م (ایاق یا طیلر دیلری) افندم ! ایستدیک کز قدر مملکتک عرفاتی نامه کورواتی ایلك ! بن بوراده سوویه جگم . بورایه چیقار ، جواب ویررسکز .

(دوام صدالری) آغز بکزه بوراده چیقار سویلرسکزه ، آیاغکزه دکل . افندم ! یا لکز بوراده اداره خصوصیه نك یوز کسور بیک لیرا مالیه دن آله جنی وار . وایسترسه کز جدولنی کوستره م . شمدی بو قانونه تحصیل (کورولتیلر) مساعده بو یوروک افندم ! البته بو قانونه توفیقاً تکلیف تحصیل ایدیلر ایلمز اداره خصوصیه نك حصه لر یی بالتفریق

ویرینه جکدر . فقط ؛ باقهره ویرمدکجه بوپاره اولمشدر .  
واداره خصوصیه لرده کله جک سنه لرده اولمشدر .

صالح افندی ( ارضروم ) — اون آیدنبری معاش  
آلیان مأمور لریکن واردر .

معارف وکیلی وهی بک ( دوامله ) — فقط ؛ شو  
قانونه بر فقره گیرمیلدر . اون آیدر معاش آلیان مأمور لریمن  
واردر .

صالح افندی ( ارضروم ) — اداره خصوصیه دن  
اون آیدر معاش آله مشلر . معاش تأمین ایدلمدیکندن  
حریف آچ قالیور .

رئیس — افندم ! مسئله تظاهرات ایله حل ایدلدی .  
فقط ؛ علی سروری بک اختلافی احسن بر صورتده  
حل ایتمک ایچون بر فقره علاوه سی لازم کلیر ، دییور .

مالیه وکیلی حسن بک — قبول ، قبول رئیس بک .  
رئیس — ماده یه بر فقره علاوه سی تکلیف ایدیلدور .  
محلی اداره خصوصیه وارداتی تحصیل ایدلدکن صکره  
باقهره تودیع ایدلسون ، دیه .

( مالیه وکیلی قبول ایدیور صدالری )  
ریاست جلیله یه

اداره خصوصیه عائد مبالغی صرف ایدن مال  
مأمور لری طرد اولنور .  
ایز میت  
حمدی

حمدی بک ( ایز میت ) — قوه تأییدیه قویمادجه  
قابل دکلدر . ( شدتلی کورولتیلر ) اموال عمومیه میاننده  
توزیعی . ( کورولتیلر ) بناء علیه ، آچدر ، بونلر . بو  
قیدی قوییکز .

حسن بک ( مالیه وکیلی ) — خلاف قانون معامله یاپان  
هرهانکی صنف مأمورین اولورسه اولسون ، ذاتاً مجازات  
اولنور . عزل ایدیلر تحت محاکمه آلتیر . هرشی یاپیلیر .  
یکی بر ماده یه لزوم یوقدر .

رئیس — افندم مساعده بیوریکز . تقریر لری اوقیورم .  
ریاست جلیله یه

واردات خصوصیه لره عائد حصه زراعت باقهره سنه  
تودیع اولنور .  
قره سی  
محمد وهی

رئیس — قبول ایدنلر لطفاً ال قالدیرسون ! قبول  
ایدلشدر . افندم ماده یی بوشکلده اوقویه جعفر .

ماده ۱ — قوانین مخصوصه سنه توفیقاً معین  
تقاسیطده استیفا ایدلمکده اولان املاک وتمتع ویرکولریله  
اغنام رسمی و کسورات منضمه لری ۱۳۳۸ سنه سنه مخصوص  
اولق اوزره سنه مذکوره مارتندن اعتباراً دفعة تحصیل  
اولنور . کسورات منضمه تحصیل اولندجه دوقهره بدک  
دوغری به محنده کی زراعت باقهره لینه تودیع اولنور .

رئیس : — ایکنجی بر تقریر وار افندم ! ( حمدی  
بک تقریری تکرار اوقوندی )

صالح افندی ( ارضروم ) — تحصیلی متعاقب  
زراعت باقهره سنه تودیع اولنور ، دیلمیلدر .

مالیه وکیلی بک — یوق ، قبل تحصیل تودیع اولنور ،  
دیلمی .

رئیس — اداره خصوصیه عائد اولان حمدی بک  
تقریری قبول ایدنلر لطفاً ال قالدیرسون ! رد ایدلدی .  
رئیس — افندم ! مساعده بیورک . برنجی ماده یی  
تصحیحاً قبول ایدنلر لطفاً ال قالدیرسون ! قبول ایدلشدر .

ماده ۲ — ۲۵ تشرین اول سنه ۱۳۳۶ تاریخلی  
قانون ایله قبول اولنان حرب قازانچلری ویرکوسندن  
تحقق ایدن مقادیر دخی برنجی ماده وجهله دفعة تحصیل  
اولنور .

رئیس — قبول ایدنلر لطفاً ال قالدیرسون ! قبول  
ایدلشدر .

ماده ۳ — اشبو قانون ۱۳۳۸ سنه سی مارتنک برنجی  
کونندن معتبردر .

رئیس — قبول ایدنلر لطفاً ال قالدیرسون ! قبول  
ایدلشدر .

ماده ۴ — اشبو قانونک اجرا سنه مالیه وکیلی  
مأموردر .

رئیس — قبول ایدنلر لطفاً ال قالدیرسون ! قبول  
ایدلشدر .  
علی سروری افندی — رئیس بک افندی حضر تلی ،  
دمین بر فقره تکلیف ایتدم . مالیه وکیلی بک قبول

صیا خورشید بك (لازستان) — قانون بویه دكل،  
بزم قبول ایتدیكمز شكلده دكل .

علی سروری افسدی (دوامله) — یعنی قانوناً کسب  
قطعیت ایتمین بر تکلیفك شمیدین تحصیلنی تضمین ایدیورم .  
اونك ایچون تعیین اسامی ایله رایه وضع ایدلسنی لازمدر .

حسن فهمی بك (گوشخانه) — اقدم! بنده کز  
ظن ایدیورم که: برخی مادهك احتوا ایله دیکی احکام  
نایسه ایکنجه سنكده عینی در . (خایر صدالری)

مساعده بویورک: حرب قازانجاری ویرکوسی حقنده بر  
قانون وار . بوقانونه استناداً تحقق یایلدی . یالکیز زمان  
تحصیلی شومراسمی اجرا ایدلمسینه ویا ایدلمه مسنه تعلیق ایدلدی .

شوخانده ینه بونك ایچون اصول، اصول جباتی تعدیلدر .  
ویرکوسی دکلدر . مقدارینی تزیید ویا تنقیص دکلدر .  
برخیهک ماہیتی نایسه، ایکنجه سنكده اودر . رأی اشاری  
ایله اولور . (موافق صدالری)

جمیل بك (کوتاهی) — صرفیاتی متضمندر .  
تعیین اسامی لازمدر .

رئیس — مساعده بویورک بنده تعیین اسامی به  
حاجت کورمه یورم .  
بناءً علیه رای عالیکنزه وضع ایدیورم . قانونك  
هیئت مجموعه سنی قبول ایدنلر لطفساً ال قالدیرسون .

اکثریت عظیمه ایله قبول ایدلمشدر .  
صلاح الدین بك (مرسین) — غیر قانونی بریشنی  
قانونی برشکلده طوبیلا یوروز . بناءً علیه ؛ بو تعیین اسامی  
ایله اولمیلدر .

رئیس — پنجشنبه کونی اوکله دن صکره اجتماع ایتمک  
اوزره جلسه نی تعطیل ایدیورم .  
دقیقه ساعت

۶ ۱۵

بویوردیلر . واجباصلاحت اودر . تدقیق نتیجه سنه  
باقیلمیهرق، بوققره لازمدر . یوقسه ایکنجه ماده مقصدی  
تأمینه کفایت ایتمز . (کچدی او سسلری)

رئیس — اقدم! تعیین اسامی ایله رایکنزه وضع  
ایدیورم .

مصطفی کمال بك (ارطغرل) — تعیین اسامی به حاجت  
غرق . بوزیید ویا تنقیص واردات دکلدر . دوغرو دن  
دوغرویه مؤجل برشی مسجل اولیور .

حسن فهمی بك (گوشخانه) — اقدم! تعیین  
اسامی مطلقاً یکی تخصیصات ایچون یعنی، پارهك صرفی  
تأمین ایدمک تخصیصات لایحه لری ایچوندر . یوقسه  
ذاتاً موجود اولان قانونلره استناداً اجابت اولنان ویرکولرک  
طرز جباتی ، اصول جباتیک تعدیلی، تعیین اسامی نی تضمین  
ایتمز . بیره اعضای کرآمدن اون بش ذاتک تکلیفی  
واقع اوله .

مصطفی کمال بك (ارطغرل) — حرب قازانجاری  
ویرکوسی ده وار .

حسن فهمی بك (گوشخانه) — نه اولورسه  
اولسون؛ ذاتاً موجود اولان بقانونك اصول جباتی  
تعدیلدر . تخصیصات ویرمیورسکنز ، شوقدر پاره صرف  
ایدک، دیمه یورسکنز ؛ شوقدر ویرکوزم ایتمه یورسکنز .  
مقدارینی تزیید ایتمه یورسکنز . موجود ویرکولرک شکل  
جباتی تعدیلدر . رأی اشاری ایله اولور . (قبول  
صدالری)

علی سروری افسدی (قره حصار شرقی) — اقدم!  
حسن فهمی بك افسدینك تکلیفلری برخی ماده حقنده  
تأمینه وارددر . ایکنجه ماده به کانهجه ، اونی احکام  
حاضره هنوز واجب التحصیل کورمیور .

